

宋

會

要

宋會要 宋清運二

異同注入
餘者不寫

綱五年十月
一條亦不運

太祖建隆三年三月詔三司起今戍軍衣並以官脚般送不得差編戶民
乾德六年五月詔曰王者之道使人以時非惟不奪於農功亦冀無煩於
民力自今應諸道軍縣上供錢帛並官備車乘輦送其西川諸州合般
錢物即於水路官自清運不得差擾所在民人仍於途處粉壁揭示詔書
開寶三年九月詔曰成都府錢帛鹽貨綱運訪聞押綱使臣并隨船人兵
多冒帶物貨私鹽及影庇販鬻所過不輸稅算自今四川等處水陸綱運
每綱具官物數目給引付主吏沿路驗認如有引外之物悉沒官六年六
月命潁州團練使曹翰都大催督汴路運船太宗太平興國七年二月詔
先是劔南兩川嶺南荆湖陝西諸州每歲上供錢帛悉發民負擔頗為擾
宜罷之自今並以傳置卒充其役八年九月四日以洛苑使漢州刺史王
賓儒州刺史許昌商在京同勾當水路發運事以軍器庫使順州刺史王
繼昇駕部員外郎劉端在京勾當陸路發運使先是歲清江浙熟米四百
萬碩赴京以備軍食皆和雇百姓駕船雖有和雇之名其實擾人太宗聞
之特令給每船所用人數雇召之直委主綱者取使雇人不得更差擾百
姓及是有舟船數十綱到京卸畢月餘不能離岸者常訪知乃責有司且

問其故乃省司奏南來運船於力勝外別附皮革雜用之物至京而掌庫者不時受納是有停滯之患判使而下減奪俸以勵之十三日帝曰諸道州府多差部內有物力人戶充軍將却押錢帛糧斛赴京此等鄉民鄉村之民而為工水手及章罵兵士皆頑惡無藉之輩豈斯人可擒制耶使盜官物恣為不法者十有七八及其大折但令主綱者填納甚無謂也亡家破產往往有之乃詔自今荆湖諸州綱船令三司相度合銷人數依江淮例差軍將太將管押其江淮兩浙諸州一依前詔不得差大戶押綱九年十月鹽鐵使王明言江南諸州載米至建安軍以回船般鹽至州出賣皆差稅戶軍將管押多有欠折皆稱建安軍鹽倉交裝斤兩不足準今年三月數每鹽一石已上破隨綱國鹽一升恐部納補填鹵滌折耗不足每石更破銷耗鹽二升管押使臣三司大將軍將州府軍將綱官稱工本綱部轄節級同認數請納少欠等第均填自後未有申報欠少去處緣已前江南諸州般鹽稅戶軍將逐綱請三五千石多是欠少一分已上動計及千貫已上錢數無非破產填納例遭枷禁校料前件人皆是村民差充軍將量其情狀皆非侵欺若令破產填欠似傷風教稍加寬恕深便公私其未納添耗已前於建安軍請出鹽貨未到本州及雖到未經交納欠數每碩

據此運缺
三年手條

沉寢况

五升以上者乞依條勅與破耗鹽如已經交納及欠數不及五升者不在
此限除破耗鹽外更有欠少鹽價不以前核並乞據教勒定年限隨夏秋
稅租催納如三百千已下三年已上至五百千五年已上七年百千已下
一年從之雍正四年十一月詔曰訪聞兩路所發條官竹木概拖保路至
京多是押綱使臣綱官圍頭水手通同偷賣竹木交納數少即妄稱遺失
自今應出竹木州軍并緣河諸州及開封府嚴行約束每有概拖至地分
畫時催賣出界違者軍盜官物條科罪宋史宋琪傳瑞拱中宋琪上奏
平燕劉十策其八曰饋運臣每見國朝發兵未至屯戍之所已於兩河諸
郡調民運糧遠近騷然煩費十倍臣生居邊土習知其事況幽州為國北
門押葛重鑿養兵教萬應敵乃其當事每違調發惟作楔糧之備入番旬
決軍糧旬齊每人給麩斗餘或之於囊以自隨征馬每足給生穀二斗作
口袋飼秣日以二升為限旬日之間人馬俱無飢色更以等官子弟戮力
津等處送則一月之糧不煩饋運俟大軍既至定議取捨然後圖轉餉亦
未為晚墨莊漫錄發運使淳化四年始建官馬陸路轉輸於京師者至
六百二十萬石通泰楚海四州煮海之鹽以供陸路者三百二十餘萬石
後運陸路之錢以供中都者常不下五六十萬貫淳化四年額上供米六

百二十萬石內四百八十五萬石赴關一百三十五萬石南京幾送納淮
南一百五十萬石一百二十五萬石赴關二十萬石咸平尉民五萬石太
康江南東路九十九萬一千一百石七十四萬五千一百石赴關二十四
萬五千石赴拱州江南西路一百二十萬八千九百石一百萬八千九百
石赴關二十萬石赴南京湖南六十五萬石盡赴關湖北三十五萬盡赴
關兩浙一百五十五萬石八十四萬五千石赴關四十萬三千三百五十
二石陳留二十五萬一千六百四十八石雍兵至道二年二月詔自三門
梁鹽務裝發至白波務每席支泝路拋撒耗鹽一斤白波務支堆梁消折
鹽半斤自白波務裝發至東京支沿路拋撒鹽一斤其耗鹽候逐處下
卸如有擺撒消折不盡數目並令盡底受納附帳管係八月詔京湖般糧
赴真州等處卸納迴脚千料船或裝鹽迴並依例破十分人力空船即破
八分人力如千料已下船並依此比附分數十二月詔應諸道司府軍監
今後合要支用財穀等各項預先計度準備支遣諸處起發上供金銀錢
帛斛斛綱運並須赴京送納緣路諸州不得輒有截留如有擅留處其知
州軍通判職官等並當除名轉運使副各勒停三司轉運司發運司州軍
孔目吏已下並決配遠惡處帝以三司文籍多是積年淹延因問其故稱

略一作計

諸道上供物色沿路每有截留勒會往來動經歲月因止絕之三年十一月詔曰西鄙運糧蒸糜勞弊近道諸軍輓送所以惠民今嚴冬在候士卒亦宜放歸仍賜絳帛真宗咸平四年八月詔至道三年部糧革入靈州官員自來京不該元降救命酬獎者並特放選注家便差遣十月詔曰國家以近邊諸郡武備冠戎歲屯萬旅之師日有千金之費雖賦租無閹量經費以滋多而轉餉頗勞在久長而可慮主其豐耗屬在計司免貽肝食之憂爰訪贍遺之略佇聞婉畫式副虛懷宜令三司三部衆官同共商議厚畫久遠常得辦濟不致悞關仰一一具奏仍差吏部侍郎陳恕監議至十一月恕等條上利害事具監門五年七月詔戶部判官凌策與江南轉運使同計度罷者自京至廣南香藥遞鋪軍士及使臣計六千一百餘人皆陸運至虔州然後水運入京景德元年五月詔京師凍綱運兵士逐處縣分依例接續支口食料錢仍每人特支醬菜錢百文行運時全支二百文更不剋折仍令東西排岸司同辦掠房屋綱運到京庫務未納各認排岸司分於其門遣飯供送庫務疾速交納不經三司使陳告並當嚴斷十月淮南轉運使仰曄請消運所出州軍知州通判依河堤例兼管輦運公事徙之二年十月詔黃河綱運宜令三司自今後一年船運無疎失者其部

轄殿侍三司軍大將綱官綱副每月增給膳錢三年二月詔河西軍營在
府州者所給芻糧自今增置渡船仍舊於保德軍請領如水漲水合即聽
隨處給遣或預令輦載以往委轉運司專提振之先是河東民常賦及和
市芻粟並輸府州而涉河阻山頗為勞苦尋詔徙屯河東保德軍其營在
府州者能量留之而芻粟之費並給於保德軍條約已未公松為使至是
上封者言慮水源冰結則軍士涉河往來艱阻帝志在愛民故特申前詔
十月四日提舉綱運謝德權言汴水公私舟船多有阻滯蓋形勢船舫在
岸高設檣竿他船不可過也乞降條約每有船過并令倒檣以便於船帝
謂王欽若等曰如聞商旅頗以為患可嚴行誠約如尚敢以形勢妨礙令
所在具名以聞當重行罰十一日都大發運副使李溥言諸路逐年上京
軍糧元無立定額只據數撥發乞下三司定奪合般年額三司言欲以淮
南江浙荆湖南北路至道二年至景德二年終十年般過斛斛數目酌中
取一年般過數定為年額仍起自景德四年般般上供六百萬石永為定
制仍以夏秋稅及和糴斛斛除檣留準備外餘數並盡裝般須管數及年
額內有路分安傷般般不敷額即具保明申奏減免分數從之四年五月
詔河北汾河州軍綱運自今以軍士充役勿役部民七月詔諸州遣軍士

赴京東下卸者自今附口糧外月別給錢二百仍設營屋每使其休息帝以士卒外役即留廩給之半以贍其家致飢寒不給特優卹焉大中祥符元年二月帝謂王旦等曰如聞江淮運糧和顧舟楫商旅趨利阻其貿易則京師粒食或致增價可令今後不用和顧三月徙麟州府州戍兵及鈐轄於河東以遣部寧謐減轉餉之煩也仍令將運使於河西預積易糧以備緩急免非時擾民餽送九月詔福建山路險惡其輦致官物軍士自今遇旬休節序並特給假二年十月詔如聞江淮兩浙等路運糧上供雖甚寒不止自今宜準例令軍士休憩兩月職官分紀 大中祥符二年召近

臣觀書龍圖閣上開元和國計圖三司丁謂曰唐自江淮歲運米四十萬

至長安今江淮歲運米五百餘萬即知今府庫充實倉廩盈衍上曰誠賴

天地宗廟而國多備亦自計臣也謂再拜三年九月知揚州許遜請兩

浙路權罷和雇舟船所冀行商得載糧斛以濟經旱民庶從之四年十月

帝詔示王欽若等發運使文思使李溥陳述年終清輦之績可特改北作

坊使以酬之五年四月詔淮南堰埭運糧挽舟軍士四特給役頗勞苦自

今冬季並令休息六年三月詔黃河自河陽已上至三門并峽路河江水

急係山河並依舊條外有黃河自河陽已下并三門已上至謂橋倉并

諸江湖淮汴蔡廣濟御河及應是運河水勢調勻本綱拋失重舡一隻依舊條徒二年二隻連加一等並罪止十一隻空船各減一等押載押運前級降充長行綱副勒充稍工使臣人員並營稍工棒手罪各有差如收救得糧斛即以分数定刑四月重定山平河虧失棧木條格概頭以一棧為準團頭綱副監官殿侍以一綱為準山河以管平河以杖概頭團頭以家資償官不足則杖之殿侍杖而勿償初太平興國八年初定平河條格至有杖背者議者以其太重而山河悉無條格編勅所上言付三司與刑寺評定且請計其所失為十分分定罪止杖一百從之十月三司言揚州運鹽四千斛赴杭州凡四十船船二百斛有盜及太平者官司止論走國罪杖而免之頗容姦弊自今應鹽船除耗外有隱數者請令劾罪備償從之七年四月詔廣南諸州上供物色雖綱運不多如聞皆自本州專差牙稅管押赴京地里遙遠頗聞勞止自今並令減省其數速送赴闕八年四月國子博士夏侯晟等言監百萬倉收到出剝乞行酬獎詔曰自京歲達於淮泗倉庾相望轉漕至多若無增損之數寧有羨餘之積俾均出納屢降詔條仍覽典司尚形貪奏特申明於舊制表深示於至公罔或捐人以圖薄勅宜令三司通行指揮有裝納倉教去處及在京諸倉監官等並須兩

平受納不得減尅收到出剩並不理為勞績但一界了當別無少欠即依元勅施行五月詔諸州軍差兵士充稱工主徒網船者並依牽駕兵夫例支給口養先是淮南江浙發運使李溥上言牽駕兵士不認折欠仍給口食稍工抱認折欠陪納官物即不支口食頗未均濟故有是條約閏六月詔廣南西川京朝幕職州縣官丁憂離任情願管押網運者並聽仍給驛券九年正月令內藏庫應諸州上供匹帛內有些少損壞者更不退還諸州初中使江德明勾當庫因言自來綱輦中有汙損者悉付迎州區斬昨自去秋已來諸道急於輦運上京欲望有損壞者悉免退還區罰帝曰德明此奏頗有所長故從之二月詔如聞廣南上供綱運悉令官健護送至闕頗亦勞止司令至度州代之四月江淮發運使李溥言今年初運七十一綱種斛百二十五萬三千六百六十餘石自前運綱一員管押既鈐轄不逮遂多盜竊官物今以三綱併而為一則監主之人加二俾通管之則綱船前後得人拘轄可減盜竊內奉職太將三人同押當七十二綱種斛四十九萬石納外止欠二百石竊取既少則大減刑責押綱人乞第賜緡錢從之六月詔清河并江湖綱運稍工盜取官物却以他物拌和有人告訴者如一船內只拌和數少不增故意沈溺舟船者只將已拌和却盤

糧官物碩斛數目估價直每一千省支與告事人賞錢百文如糧直至五百千已上者止給賞錢五十千若估價不及一千者亦依一千例支賞錢以係省錢充先是李溥上言元勅應盜官物并雜以他物及故為僥倖沉溺舟船者如有人告獲每一船給賞錢三十千二船四十千三船已上五十千官司執是法以罪而不分輕重之差乞別行條約故有是詔天禧元年正月詔漕運之務雖國計以攸資舟楫之勞諒人功而可恤其江淮等處上供斛斛特權罷今年春運一次六月江淮兩浙發運司言真州等處轉般倉及江浙上供米二百七十餘萬斛欲留逐處以濟閭閻之從之七月知許州向敏中言京西轉運司支撥均裏房鄧州軍見錢於許州下卸支與西京及諸州充恤賑斛斛先准見錢不得令遞鋪通若止差衙前破官錢雇脚般載自是衙前人因般錢陪補破者甚衆況至襄至許香蔡遞鋪別無大段綱運其計度以糴斛斛價錢欲乞權且入香蔡遞鋪通至許州下卸候轉遞諸州糴斛斛價錢備即依舊制從之十二年詔京東西河東河北陝西淮南等州軍上供綱運陸路至京者在道若寒宜分使臣馳驛往逐州應有綱運到處悉令准數納置庫收管其部送牙校當給日食者勿停至來春軍送赴關某日詔河東沿邊諸州軍河外麟府歲調

民輦送粬糧者宜令特免一年八月十一日詔江淮發運司曹米三萬碩
由海路送登瀛密州十二月淮南江浙荆湖制置發運使黃康言承前諸
州米綱少欠其部送官員悉均償欠數望令自今止勒元部綱牙校等均
償從之官員顯有侵欺者乃償是月都大巡檢汴口堤岸張君平言淮南
兩浙荆湖廣南福建路雜般綱運軍士望自今相度地里就本處併給緣
路日食免費近京倉糧詔付三司定奪以聞二年正月荆湖北路轉運使
王吉長言綱運所過州軍多給大小麥為安健日食望令自今並支穀米
從之二月詔御河押運三司大將軍將殿侍并見在本河押運人員等並
令於元定二十萬物色上更添五萬共作二十五萬如三年滿得管自能
於裝發去處認數裝般及得二十五萬數即依例引見酬獎或內有元差
諸處衙前請般物色其押運大將軍將殿侍等只是管押綱船不曾任數
裝般官物亦須及得三十萬數別無損濕少欠拋失違程及雜犯罪從亦
許依例引見酬獎四月江淮兩浙發運司言今春發諸州軍銀帛絲綿五
十五萬五千計糧儲四百七十萬碩上供帝曰江淮方稔宜令吏留三二
百萬碩以充軍糧免其擾民從之閏四月詔三司所般布帛除已般輦外
所餘者並於水路般運上京無復差轍車來六月三司言汴河綱船除二

百五十料至三百五十料者已自楚州五運泗州六運更不增力勝斛斗其四百料已上至五百料綱船欲令並增力勝從之九月十八日詔三班使臣部送益州綱運至荆南無遺闕者自今每運賜錢十五千三司軍大將十千二十八日三司言江淮兩浙荆湖五路押綱殿侍自來不許販家望自今許聚家隨行所賣就得請受並用勵心從之十月七日三門白波發運使杜唐言自今有拋失收數到盟糧及諸官物許本司差隨處地分官員躬親點檢送官從之十九日淮南江浙荆湖制置發運使賈琮等言綱運兵稍多是盜拆舟船板木貨需致官綱於江河行運闕少動使多致疎虞望下開封府發運司諸路轉運司令通行指揮逐處排岸司及地分巡警軍人常加察舉從之十一月詔諸路州府軍監自今後應起發上京綱運所差因便押綱得替募贖州縣官等並給與驛券仍今起發綱運州軍責勒文狀委得在路躬親鈐轄依程赴京不得取便別路行犯者從違制定斷初印武軍得替司法泰軍路在押綱赴京而中路擅自離去為本軍所奏故條約之三年正月殿中侍御史王臻請下發運司自今糧綱十分人七分差兵士三分給和雇工錢詔令令多差軍士相兼勿得專雇人夫仍令轉運使提舉十一月詔荆湖江浙淮南水路綱運自來隨船動使

及鋪視苦蓋之類官量給數餘並綱官等幸^標兵士委自特運司及制置
發運司應綱船動使鋪視苦蓋物並從官給不得更令兵士出辦四年三
月三司言前詔江淮兩浙荆湖五路却綱殿侍聽掌家屬隨綱其忠民石
塘唐濟御蔡河押薪炭者亦望如前詔從之十一月詔罷河東沿邊州軍
明年轉般易糧以本路轉運司言邊儲有備故也五年八月三司使李士
衡言京西河北轉運司元規度於河東晉州發斛斛三十萬赴滑州山路
艱險慮或稽期欲止於滑州通利軍中優給其直從之十月詔獎淮南
江浙荆湖發運使周寔以其自春至冬運上供米九六百餘萬碩改也乾
興元年三月仁宗即位未改元三司言兩浙荆湖產茶州軍準大中祥符
二年初須預辦人船及時計綱發赴合納權務下卸不得積留任彼損惡
官茶及有誤出賣虧失課程諸州軍近年多不依限起發欲乞明立科條
須限當年江河水勢未落日前盡赴逐權務交納不得延至秋冬致水小
阻滯如今後公然怠慢不預計置般送致有稽違並委制置司取勘官吏
情罪內干繫人依法^逐斷命官使臣取裁從之十二月上封者言兩川四
路物帛綱運每日逆鋪常有積壓主持人等般運苦辛料率之時不無勞
擾國家取之無窮使蜀中物價何由平賤望以兩川所發綱運一年計其

數於內詳酌不急之物可與減放三二分度使遠民寬裕聖澤普均詔三
司定奪聞奏三司言兩川匹帛自來計度每年聖節端午十月一內人春
冬衣賜并準備非時傳宣取索及國信往來並應副南郊支用綾羅錦綺
鹿胎透背軟正生白大小綾花紗絹等下並梓州兩路織買出梁并遂州
依久例於出產州軍逐旋計綱起發上京於內藏庫送納今詳所陳乞與
減二三分減為便民其如國家年計支費不少若或減省深慮闕供今定
奪除錦三十五段全減不織造外其餘欲且依舊其絹布紬絲綿自來於
益梓利夔四路轉運司轉下州軍每年買納除應副陝西河東京西轉運
司及本路州軍衣賜支遣外如有剩數即令逐州軍差人管押上京送納
每年省司元不拋椿定上京數目所有自西川水路起發布帛六十大萬
疋赴荆南水路轉般上京並要應副在京并京西州軍衣賜支遣今定奪
難議減省欲且依舊從之仁宗天聖元年三月三司言提點倉場所奏請
事件內綱運載斛斛上京內有濕潤即監鍊稍工綱官攤乾比元樣受納
若無欺弊從不應為重斷納外有少欠亦取勘情弊依條施行有司看詳
糧綱稍工綱官濕潤斛斛已有條例斷遣外押綱人員未有條貫欲乞今
後如有濕潤斛斛船五隻以上其押綱殿侍軍大將各二十三隻加一等

罪止杖六十委排岸司勘軍中解赴文所遣如一年內兩為濕潤斛斗該

杖者即勒下每裝發綱運委知州通判或本判官兵馬都監監押排岸使
臣在倉提點兩平量不得虧損綱運許押網人員指索布窠封記乞行盤
量如實比元樣虧少並勘逐元裝發倉分監等情罪依條施行又自京
至泗州催綱更不差使臣三人只今內侍曾維華來遶馬往來覓索催提
綱運巡捉偷雜拌和提點沿河地分都監押巡檢催綱使臣令佐等依先
降編施行仍令各置厯每巡檢到公事並令所屬州軍批書候得管繳連
申奏量與酬獎違者勘罪聞奏又每綱船至雍邱令本縣兵馬都監具過
橋縣報東排岸司預定下卸倉分及委排岸司候到差人勾催不得住滯
隔薦如違許人陳告不虛支賞錢五千以下錄抽稅力勝錢充排岸司官
吏並當嚴斷又自今起運時選差使臣忠佐二人監催下卸搜檢空船不
得隱藏官物沿河排那泊處除押網人員船外不得存留燈火偷雜拌和
或網船津浦勒兵稍走報押網人員取燈火與地分巡檢同共覷步覷
官物不管疎虞新城外委巡檢開封陳留界汴河魚巡捉催綱使臣依此
施行押網人員能自部轄緝捉摘工愛護官物不至入水拌和每運倉司
看驗並是乾圓即令批上印紙照燈至得界一界並不曾有斛斗濕潤更

與押綱一次其年終般遇斛斛地里合該酬獎人數不在此限如或不切
用心鈴轄稍有彰露即依法科罰並從之四月詔淮南居河路縣分應造
下土珠土燭擬要賣與綱運拌和斛斛人等已有天禧五年十二月條實
自今仍許鄰人覓諸色故告捉送官勘逐不虛並支與賞錢十千以犯事
人家財充應斷遣後與舊居止處人別生讎嫌移送鄰近州縣不居河路
去處居住鄰人知而不告別致彰露並重行科斷如不上情止從不覺察
於杖六十條斷遣五月詔自今般鹽船至京交納教足外元破在路耗鹽
每席二斤半教內却能愛護不至拋撒留得耗鹽於十分中量破二分等
第支與押綱人員等充賞每取五席只以一席錢均給押綱有員教侍綱
官等每人二千副綱一千稍工每席二百文其人員綱副收到五席已下
稍工收到一席已下更不支賞人員并綱副須是全綱逐船各有出剩即
依此支賞若或綱內雖無教出剩其餘船却有少欠不在支給之限是月
三司言黃汴河勾當使臣年滿得替裁種榆柳及得元條例與家使差遣
其緣汴河都監監官等每有綱運經過並不鈴轄斷絕乞今後各令於地
分內催促綱運依日限出地分及令本處使臣適相置曆抄上到發月日
候催促出地分於界首使臣處印押如內有故住却日教亦須開說而不

得安外取索綱運申報候得替除栽種到榆柳及充條款日外須是將催
過綱船月日上厝子令州府與栽種榆柳一處繳連申奏及捉到偷糴
拌和斛斛及少數目係甚刑名斷遣批書分明方與酬獎從之三司鹽鐵
副使俞獻可言乞下陝府西路轉運司指揮鳳州或鳳翔每川陝綱運到
驛令稅務監官每十擔計抽掠一兩擔如有影帶匹帛盡底點檢勘罪依
條施行從之七月三司言陝西路轉運司奏轄下沿邊四路州軍大屯軍
馬每年支撥軍湏物色萬數不少逐州軍所管衙前人數又多例各一年
兩次差遣當司相度欲依河東轉運司例每年於在京馳務差撥駱駝二
百頭差殿侍或三司軍大將四人每人分駱駝五十頭就近於草地牧放
餵養准備沿邊州軍緩急少關軍湏物色立便抽差部轄管認般送應副
不至耗民詔下三司定奪省司檢會在京見管駱駝無多即目在石州牧
放未遑今欲先於石州見牧放數內就近支撥百頭赴陝西^交割即令本
路破係省錢收買就華州華陰縣界泉店牧放其軍大將即從省司差應
有鈐轄事件並依河東路駱駝般運條例從之七月詔自今汴河糧綱到
京納外少欠除依例給限填內不足許將綱梢等合請糧食令排岸司勾
索隨綱券曆點檢具合請人數則例送糧料院擬見管人合請糧食數目

明白批勘聲說坐倉不請充填欠數仍當日內依歷具逐人名下糧斛色額碩斛印書公文送排岸司照會銷欠外有剩數即今向縣勘請不得在京批勘若填外尚有少欠即依條施行八月詔淮南江浙荆湖逐年起發上京斛斛近多不及元定額數宜令逐路轉運司依先降敕命所定年額合數斛斛數目預先計度用心擘畫須管數及年額仍發運司不住提舉催促不得更致虧少十月淮南江浙荆湖制置都大發運使趙賀言荆湖江浙路逐年起發糧斛數實并茶貨豐貨不少全藉網運往迴疾速方獲辦及却被沿路經過稅務不便點檢發遣多是住滯深見妨滯行運欲乞嚴戒沿江河州軍商稅務自今網運往迴如取住滯並乞勘罪斷遣仍撥住滯日分廩食請受攤陪監官亦勘罪行遣從之二年五月詔蜀州四縣折納夏秋稅布從來止令本州打角差夫般往新津縣堆貯候發與押網人員使臣入船下往嘉州合併起發所差人夫倍多擾費民力自今止令新津縣置庫受納候及數目就彼計綱打角支與水路網運起發合銷庫屋下蜀州修蓋逐年依條差專副只委新津知縣監押同受納十月詔應外處請賞給折支物色自來管押使臣三班院差定慮不知外處差人等候同安請領妨滯起發自今三班院應承受得密縣劄子並書鑒到院月

日時辰於當日或次日定差當降宣命如稽違勾押官已下當勘罪施行
三難言御河牽駕糧船兵士每年至綱船守凍住運放歸本營歇泊從之
十二月詔真楚泗三州排岸使臣並令發運司同罪保舉與當親民差遣
三年十月十二日詔江淮兩浙荆湖沿江府河州軍排岸催綱此檢使
臣自今綱船到地分畫時審看風色催促起離不得勒住今供到發文字
及勾索行程批書實有沿路阻滯本綱將到行程即依條保明批書發遣
如更故違或乞覓錢物其干繫人並乞依條勘斷又逐處轉般倉監官須
是公平裝卸不得大納小支收到出刺不得批上曆子至背目但一界給
納了當即時與酬獎應轄下州軍每遇裝發糧綱先勒押綱人員入教看
驗斛斛如是涼冷即責綱衆結罪文次裝發若斛斛發熱即倉併心力般
騰出教就廊屋堆浪冷定後裝發又和羅斛斛裝發至卸的倉場如驗得
虛弱不堪上供即委知州通判入倉同與監官集綱稍人員對衆看驗如
實虛弱不堪即勒行人估定應計虧價錢并枉費般筆請受牒元羅州軍
勘斷監專斛級於合分堆人名下剝納入官雖遇赦恩不得除杖二十三
日三門白波發運使張慎言綱運每有拋失官物久例取馮地分村着并
全綱人照證結軍令罪保明除破官物竊詳編勅止說先取責全綱上下

通相保舉軍令罪校即與本縣官員覺察保證深慮村耆與網司扶同欺
獎乞自今有諸網拋失鹽糧梢柴訪物令本司差所屬縣分令佐親詣曉
失處覺察有無情獎保明閱報本司所貴照據分明免有欺獎從之二十
七日舒州言皖口都鹽倉自來差殿侍三司軍將押網到彼下卸本州止
差里正軍將交納每一界計鹽百餘萬斤自乾興元年以前累界夫賣漏
底例皆欠折錢一二千貫蓋是押運人員欺以鄉民里正生疎多將鹽貨
侵偷貨賣或入雜拌和歌壓秤勢斤兩不足是致交納後漸次銷折自天
聖元年後來擘畫將衙前職員自都知兵馬使都押衙已下至通引官已
上以職名資次與里正軍將新人相兼勾當並得斤兩齊足無伴和之獎
逐界鹽倉支賞了當仍有出剩又本鎮賣鹽課利比附通年增至三五倍
乞下本州常切遵依從之十二月十二日詔自今裝載榜楚通泰真滁海
涿州高郵連水軍等處稅倉和糴斛斗並依裝轉般運倉斛斗空重力勝
例並以船力勝五十碩為準實裝細色斛斗四十碩與破庫駕兵士一名
其空船亦依差裝轉般倉例二十四日詔自今應請般小河運糧鹽人員
坐船許令只裝一半官物餘一半即令乘載家計物色所貴人員易為節
轄免致妄稱論訴四年五月二十一日詔制置發運司兩浙裝鹽舟船合

副本有玉海
一條附注

用鋪襯荷葉蘆葦物舊止令兵稍出備以此之故多有率掠及別致侵盜官物自今並從官給閏五月臣條上言經過荆湖江淮四路州軍體問近州在市米價或七八十有至百文足者率言州縣和糶場緊急欲糶及萬數充即秋稅斛斗上供小民困食者伏觀咸平景德中發運司逐年上供斛斗不過四百五十萬是時江淮人民富衆國家儲蓄有備其後本司惟務添及萬數以為勞績比至近年上供已及六百五十萬欲乞先勘會在京見管斛斗數即於咸平景德已未逐年上供數內酌中取一年立為定額詔下三司詳定三司言勘會在京所支人糧馬料斛斗萬數浩大全藉向南諸路船般應副今欲酌中於天聖元年額定船般斛斗六百萬額上供數內權減五十萬額起自天聖五年後每年以五百五十萬額為額從之十一月詔溫州所支綱運兵補綱官轉海至明州添支米人日一升半元破四十五日內有船或遇便風時月別無阻滯及軍稍用心撓駕轉海行運不約日限到明州本鎮其餘日添支米舊合回納自今與免冠美填官一例消破十二月河北轉運司言德州將陵和縣張存申昨撥定額殿侍黃志蓋王馮信張榮王克明等五綱赴縣交裝支下保趙州安肅信安順安軍斛斗內有乘榮經今年並未曾到縣馮信曾裝斛斗一轉赴

順安軍入却於別州軍裝載雜物過往向南州軍今及四月有餘未迴體
問得止是押綱人員避見裝載斛斛多於逐州軍私相計會截撥裝般錢
帛雜物務要萬數益多苟求遷轉遂致汾河州縣斛斛積壓年深枉有陳
蓋條約未備因緣為姦欲乞檢詳御河押綱人員條因於三年所般三千
萬官物數中別定須得兼載斛斛三萬已上如般過錢帛雜物萬數雖多
亦不得準折充數如此不惟止絕得綱船輩運俸門兼向去汾河州軍亦
可廣謀計置當司相度欲依張存所申其般三十萬官物數中須令兼般
斛斛三萬石方得理為副其事下三司勅會河北汾遼辰河路州軍所
支贍軍儲自來全籍朔御河相兼輩運般供欲自今押運省員殿侍三年
內般輩諸官物數中斛斛須是般及細色軍糧三萬石已上如般麤色即
依倉式例準折貴使押綱人員各自用心起逐般輩軍糧應副法違支用
從之五年二月京西轉運司言唐汝隨鄆州光化軍月收諸色課利錢除
留州支遣外其餘自來並入香葉遞赴許州下却應副以北州軍雜買糧
斛及諸般支用自編教條貫後不得入香葉遞鋪般也諸州軍止差衙前
支官錢雇脚般載陪備錢物或致破產勘會均襄房鄆州軍錢已許入香
葉遞鋪轉送外上件諸州軍欲乞依例從之五年八月江淮發運司言管

押汴河糧網殿侍軍大符准撥四百料至五百料網船自今寶州般得四
運斛斛及三萬六千石已上泗州般得五運斛斛及四萬二千石已上到
京卸納了足及經冬短販至年終無欠失少即依條酬獎近年諸綱才
般及一兩運斛斛便於逐處排岸司僥求借撥別綱舟船相添般運要赴
酬獎本司見行撥併汴河每五百料船二十五隻為一綱四百料船三十
隻為一綱應到赴辦酬獎欲乞今後汴河糧網不得更於逐處排岸司借
撥別綱舟船運如違並當依法勘斷仍至年終不為勞績從之七年正月
陝府西路轉運司杜廣言本路沿道環慶鄜延原渭等州軍屯泊軍馬支
費見錢不絕供饋或至少闕欲將近裏州軍每月課利見錢勘會就地里
近便送納那近邊場務課利見錢在邊上送納免致關絕兼逐處場務勾
當人但於就近送納免差衙前般運陪備及兵士般搬辛苦枉破地里卿
錢批之寧州彭原赤城寧羗午狼樊村王澤莊狼山等務並赴慶州邠州
永昌韓村秦店左勝洪河龍安莊曹公莊房陵村李村買攢石炭定平縣
張村陵頭村等務並赴寧州乾州麻亭郭下永壽鎮新店平泉村蓋村東
大樹北務村巨家庄馬坊村南奔城羊馬店權家庄下交秋林村梁店萬
店常寧寨平陽村永寧村白石泉等務並赴邠州永興軍興平縣甘北驢

泉縣臨涇武功縣甘河等務並赴乾州鳳翔府普潤縣麟遊縣崔樸法善
寺洛谷扶風縣盤屋縣清平鎮岐陽鎮垢子坑等務並赴乾州華州華陰
陰縣關西鎮常棣庫渡荆姚漢帝下邳來化敷水泉店潼谷蒲城零起石
崖店渭津渡晉興渡曹村渡溫湯渡普濟渡黃城渡索曲渡渭津渡嚴信
渡姚渡使渡等務並赴同州韓城縣務赴郃州白水縣務赴坊州二月虞
部員外郎蘇壽言近年少有船舶到廣州其管押香藥綱使臣端坐請給
欲乞抽歸三班院別與差使自今遇有船舶起發香藥綱即具馬迎中奏
下三班院逐旋差使臣往彼從之三月二十三日三司言制置發運司言
準編敕諸河押綱殿侍三司軍大將應杖罪如不係上京內三司軍大將
即就近送本路轉運或發運司勘決訖其所犯因依斷違刑名申省其數
侍即勘罪申省降杖處分仍並令依舊押船其徒罪已上並差人替下押
赴省發運司勘會諸河押運殿侍為有上項條貫多不用心信縱兵稍作
要侵欺損失官物雖省縣降到合決杖數又緣行運往來無定不時決遣
或該遇赦宥是致全無畏懼今檢會天聖四年至五年共有殿侍二十四
人違犯拋失偷竊盜糧斛並該赦放罪欲乞自今諸河押綱殿侍不係上京
或有罪犯徒以上依元條管下中解赴省若該杖罪乞依三司大將例就

近申送轉運發運司勘決訖申有從之五月京西轉運司言據袁州汰逐年准轉運司牒輪差轄下十餘州軍衙前往荆南般布十萬疋赴當州下卸準備以北州軍般取充軍裝州司檢會荆南先造船十隻遇諸州軍抽差綱副到般請布帛逐州更差人員兵士五十人往彼牽駕水滩積或至一年方到州縱不遭風水疎失須有上落下濕水漬龍傷估剝虧下價錢不少復近年以紅造年深釘板疎漏不任裝載逐年綱副自雇船般運布每萬疋出雇脚錢百貫并緣行它費不少州司相度當州南路省通鋪運鋪各管兵士十餘人日前曾般運南米香葉自來轉江上京通鋪兵士別無般送欲自當州至林湖鋪荆門軍界至荆南諸鋪各添兵士及二十人置小車子十兩每兩推載布二百匹日運二千計五十日十萬數畢或阻陰雨至兩月可畢其添兵士却遣歸小車子即委巡鋪使臣拘收封陳准備逐年般運免致衙前陪脩脚錢欲乞依襄州學憲施行從之六月制置發運使鍾離瑾言江浙荆湖諸州軍逐年買下茶貨般裝赴松江推務及淮南州軍綱運或遭風拋失全綱載不收其綱梢人貨依編勅等第斷還其茶貨便即除破若綱梢人員收救得水濕茶貨到卸納處將茶味定驗分數勘斷後紐計虧分價錢剋折軍人請受填納竊詳全載不收決訖疎

放收得分數既已科罪又更剝納虧價錢以此條約不均是致茶綱每遭風水皆不肯收救枉失官物欲自今應茶綱遭風拋失兵稍自能用心救即差官點檢委實別無欺弊與依編勅取責一綱上下地分村耆等入結伏無虛偽罪狀勘逐綱梢人員依法施行所有收救到茶貨至卸綱處只據見在分數收納入官更不紐計剝納虧官價錢若在路不切愛護致有水損但不條遭風拋失收救到茶數即依元勅剝納虧官價錢從之八月十五日三司言益州路轉運司奏據邛州狀每年起撥上京等處綱運乞於本州并蜀州新津縣各留兵士五十人節級二人在彼守候綱運般運至益州通鋪交割已移文本州今後遇起發綱運即於本城兵士輪差般檐至益州今知邛州萬可觀奏乞相度邛蜀州差兵級般檐上京綱運至益州並一年一替當司看詳邛蜀二州非要衝道路逐年起撥應到河東等三路初帛綱運并非曉差人般請馬藥等並是常程綱運別無外路州軍綱運經過不至煩併逐年已令依差出兵士在外例日給口食今相度乞依舊於本城兵士內輪次暫差仍乞依當司所奏邛州添招免寧兵士七十八人蜀州添招百人用填闕額人數省司欲依轉運司所奏施行從之九月嘉州言候行迴匹帛第二綱上運三司軍將張承祐中昨準荆南排

岸司差撥本網謝進等舡四隻并元駕兵級三十人載送新授閬州司
理秦軍薛儲上水赴任又中揚順手下人船亦準荆南府牒差發載送新
授歸州判官元泊赴任又却準歸州差載送本州得替知州下往荆南未
迴竊緣當州逐年載運益州等處布帛十綱赴荆南近來却下州軍報將
布帛綱人船與川峽荆南官員赴任得替擅便於綱運內抽射人船不惟
久占舟船在外并帶領級虛破口食乞嚴降指揮止絕詔下三司定奪省
司言緣在京四排岸司迴脚空船官員指射乘載赴任已有編救其川峽
迴脚空船即未曾明立條貫欲自今川峽赴任并得替官員如委的係沿
江地分該得空船迴路即得指射一隻因便乘載不得迂迴往復占射別
致住滯有妨輦運如違其元差綱船干繫官吏必行勘斷仍擬往復支過
兵梢人員錢糧口食勒令均攤陪填入官從之十月三門白波發運使比
部員外郎盧隨言照檢本司押鹽糧綱船殿侍軍大將或有拋失舟船臨
時旋於諸處申報患狀要免科罰伏緣殿侍大將三年如無拋失罪名使
該酬獎今既見拋失却與綱副上下扶同作伴稱疾要免科罰欲乞自今
如有拋失舟船其殿侍軍大將信縱有申報患狀不免拋失罪名所貴杜
塞律門一向用心部轄從之七年三月十六日屯田郎中李琦言原缺泉

州城當二江會流網船順流至者多為風惡漂溺舟人不敢收救蓋以勅
條全網沒溺或收救足數方免罪若失三五分須責備償原缺茲凡有沒
溺不復收救望別為條制事下三司三司言琦所陳太過望委將運使蔡
議乃請自今於古津暴風溺舟者責部網使臣集近村耆保併力搜救若
全網失者高工梢工皆杖一百主吏使臣遞減一等所溺物計為三分須
備償一分原條如救及分別無侵欺者原其罪從之六月七日三司言並
州路將運使高觀言乞今後管押布網使臣省員三運全無拋失不違元
限三司軍大將三班差使殿侍乞與政轉其使臣未親民者乞與家便差
遣已親民者乞與五年磨勘如是使臣省員弛慢恭江拋失官物及住滯
網運有違元限乞自當司取勘情罪申奏乞行銜恭省司檢會使臣差並
州押匹帛網赴荆南下卸別無拋失每運支官錢十五千軍大將十千大
天聖七年勅今後川峽行運布網拋失官物若全拋失沒救不獲其本網
梢工棹手各斷杖一百配別州軍牢城收管網官節級各杖九十押網使
臣各杖八十並勅下不令押網或十分中沒救得一分已上依全拋例斷
遣二分已上至四分已上梢工棹手網官節級使臣殿侍省員每一分各
遞減一等斷遣訖補工棹手勒充軍牽駕兵士其網官節級已上並依舊

押綱或及五分已上不滿元數稍工棒手各杖六十綱官節級人員
各笞五十使臣殿侍省員罰一月食直斷訖並依舊行運所有綱官節級
人員使臣殿侍省員如遇本綱更有損失擾變數每一隻加一等罪止杖
一百其罰食直加入笞五十仍並擬拋夫收救不獲數目勒本綱上下等
第均攤陪納入官若收救官物並足不失元數稍工棒手各笞四十綱官
節級已上並放所有行運程限仍須限一年往廻嘉州排岸司使行運日
出給行程付本綱收執所到州軍批書到發時日阻滯因依候廻嘉州委
排岸司照檢如有不因風浪改作拖延有違程限並依法科斷仍罪止杖
一百若違限三月已上其本綱稍工棒手押載綱官節級人員押綱使臣
殿侍省員斷訖勒下不令押綱省司看詳錄有上項賞罰條貫所奏難議
施行從之二十五日三司言臣僚起請兩川四路物帛綾羅錦綺絹布絨
綿每日綱運甚多通鋪常有積壓其餘藥物更有水路綱運不可勝紀且
兩川之富出產雖多計其地利亦有窮竭科率之時不無擾人般運不絕
物價何由賤平伏望兩川所發綱運以一年計其數目於內詳酌不急之
物量與減放三二分省司看會益州路收買蔣金大黃葭州路收買黃藥
子每於匹帛綱內附載往荊南轉附赴京今渠密庫各有見在欲自今於

每年買數十分中量減二分從之十月三司言三門白波發運使文洎奏
般鹽條件白家場去河中有五七里三門集津梁鹽務去陝府四十五里
乞委兩處同判依例充季點納下鹽貨及乞許三門發運使判官提舉點
檢每年上供鹽欲乞鈐轄支裝堪好明白鹽席分明定樣兩平交裝上船
無令欺壓秤勢及戒約押綱人員鈐束稍矣愛護不得信縱偷盜拌和到
京於都監院交納後有少欠拌和不堪鹽數即申解赴省勘罪依條格等
第斷遣沿路偷賣鹽貨其買人多鄉村凶惡之輩販賣取利地方巡檢村
耆人等隱庇不言欲乞下本司檢坐元降告捉偷盜官物支賞條貫過縣
沿路州軍出榜曉示許人首告勘逐不虛依元條支賞外如五十斤已上
告人二稅外免戶下一年差徭百斤已上免二年差徭犯人如被獲再犯
凶惡不可留在彼者斷訖配五百里外牢城所犯重自依重法經歷地分
巡檢村耆人等知情並依法嚴斷綱副知情自依本條若不知情亦乞依
糧綱偷盜斛斛例於本犯人名下減三等定斷其在京監院所納船稅鹽
貨並須公平受納不得欺壓秤勢支絕縱有出剩不為勞績但三舉別無
大少即依元條施行監官三司申奏下三班審官院磨勘施行盜綱如納
正數足外收到水路鹽出剩不以市數並盡數正收入官申著檢會天聖

元年救只於在京支給賞錢其監院監事不得隱落故意不收如稍違犯
並行勘斷從之八年正月三司言廣濟河都大催遣輩運任中師奏乞自
今本河每年逐網約定地里所做斛數目量與酬獎省司檢會編數運河
押綱使臣人員尋一年之內全綱所做斛數依時萬數候住運日今於運
司磨勘內補工支錢三千綱官支五千管押人本司具勞績申奏重將與
轉大將使臣大將即與引見酬獎并年終住運除全綱一年無拋失欠少
依前項施行外所有一綱之中內有稍工至年終委定逐運別無少欠拋
失亦與擬稍工人数支賜賞錢其本綱人員綱官即不得一例酬獎如稍
工接連三年各無拋失少欠除支賞外與轉小節級名目使充綱官勾當
若充綱官後相接更二年全綱並無拋失少欠支與賞錢一千更將一資
又編救應差押有員殿侍三班借職等每人各給印紙五十張充磨子付
逐人收掌擬逐運送納官物有無欠少行船違與不違程限及拋失舟船
雜犯懲罪並於催綱裝卸排岸司批上磨子年滿得替赴省投納比較磨
勘如逐人合該年滿得替別無少欠官物及懲罪重與酬獎今相度廣濟
河押糧綱軍大將殿侍三年內般過斛斛別無少欠已依條申奏乞量與
酬獎其本河稍工綱官即未有條貫欲乞下廣濟河輩運司今後廣濟河

糧綱如一年之內般得鄆州徐州淮陽軍三運并曹州廣濟軍濟州五運
斛斗至京交納並無少欠通犯候發運司令軍運司磨勘其綱梢令比附
汴河酬獎體例特支錢一千梢工接連五年各無拖欠少除支賞外與
轉小節級名目便充綱官充綱官後及已充綱官人相接三年全綱並無
拖欠少欠支與賞錢五千更轉一資從之三月三司言河北都轉運司言
相度今後正受潮御界河催綱官員使臣三年滿日催般過斛斗比附已
前年分般過數多兩倍即優與陞陞差遣若緩急邊上闕少軍糧權於轄
下州軍選官催般運斛斗一年內般得廩細色及十五萬碩亦與陞陞
差遣所有押運省員殿侍等亦乞每人押船二十隻如三年內只般得細
色軍糧七萬碩已上別無拖欠違程少欠諸般罪犯便與例酬獎即更不
拘年限如有廩色依倉式例六折充填若舟船緩急撥裝別物三年內般
不及數只提般過數比並依舊定萬數施行省司看詳具權差催綱官員
使臣緣催綱斛斗數少酬獎甚優更不差遣施行所是正授潮御界河催
綱官員使臣并押運軍大將殿侍般運斛斗欲乞並依河北轉運司等重
施行仍候催綱官員使臣三年滿日得替委自轉運司將一界催般過數
開排逐運元袁州軍至卸納去處附帳收管月分及將前未三年權般過

萬數一處立項紐計比附委的多兩倍已上合該酬獎即具詣實保明中奏數目押運軍大將殿侍如三年內自近棗州軍般細色軍糧七萬碩已上赴沿邊州軍部納依例酬獎仍令黃河御河都提轄司保明申本路轉運司繳連申奏若三年內般不及上件數目只乞依舊定萬數施行從之五月六日上封事者言普遂等州諸般綱運州縣差借人夫般擔至梓州方有遞鋪兵士轉運伏緣川中時物常貴差借人夫山路遙遠不支口食亦甚不易竊知資簡等州差借人夫般擔綱運至益州自來官給米日二升欲望應川中不置遞鋪權差借人夫般擔綱運去處每日官支口食詔下益梓利夔四路轉運司相度皆言其便後詔三司今後四路州軍差借人夫般運上京并河東陝西路州軍綱運即每日人支口食米二升止轉般鄰近州軍官物即不支七月益州路轉運司言奉詔相度置催綱使臣具久遠利害以聞者竊緣當司每年起撥水路布帛牛皮綱運下往荆南却納自離嘉州江岸經歷迢梓夔州路直至荆湖北路地分沔江州運過往尋後逐路轉運司就近相度一准逐路添置一員使臣以免綱運逐處作契端坐販賣物色人員兵校虛費錢糧深為不便詔差供奉官李端來連馬往益州路轉運司取會文字勾當自嘉州至荆南催提起撥匹帛

牛皮等網早赴荆南下卸網官摘工水手兵士等多是沿路住滯賈賣與販既被押網使臣催趕却言前路險峻行船不得及放船於滩磧上住泊故要疎放連累使臣枉壞官物及不伏鈴束如有違犯即送隨處州府勘逐情罪依法斷遣情理重者配遠惡州軍牢城押網使臣等公然容縱不切鈴轄致違元限催網司具職位姓名申本路轉運司乞行勘送李端常切往來提舉催促不得只於隨處州軍端如違亦當勘斷及下益州路轉運司量差人船付端隨行仍備錄宣命於沿江州軍要便處粉壁曉示八月十三日審刑院大理寺言楚州奏自來領勘偷盜動使摘工並從監主自盜律勒科斷今新編教內偷拆官船釘板等貨賣者當行決配又係當行決配者具案聞秦州路居衙要日久過往網運不少常有拆賣釘板兵稍若或逐度禁奏非唯煩煩朝廷實見虛有淹禁欲乞立定刑名許令斷遣眾官參詳欲自今應摘工偷拆官船釘板之類貨賣者許販從監主自自盜法杖罪決訖刺配五百里外牢城徒罪決訖刺配千里外牢城流罪決訖刺配二千里外牢城罪至死者奏裁從之二十一日三司言擬荆湖北路轉運司狀荆南府准有賊劫會昨於天聖五年為般運布帛入城遠遠臂盡於沙岸堤內起蓋布庫委自沙市巡檢兼排岸提舉巡防每益州

布網到岸只就江岸點檢對交與上京省員如未有網次般赴沙市布庫
送納及排岸司狀並州布網到岸出卸未得兵士在網空閑岸司量差借
應副諸處工役如本網交卸却便勾抽歸網般卸畢如有歸峽州般取官
物依例搭載前去盡時神發離岸別無妨滯當司相度到屯田郎中劉漢
傑等奏並州布帛等網兵士自來阻風水行船未得被沿江州軍差役泊
到荆南官物總領本府又差諸處工役當直乞今後禁止其網到荆南沙
岸與限五日下午卸二十日管畢詔並州布帛等網在路除於沿江州軍的
然值風水行船未得兵士空閑者許依例差役如無阻滯不得擅差有妨
行運荆南更不得抽差工役當直限五日內下卸畢更半月起發其附載
生銅馬乘等自岸般入府城約十五里赴離納物等庫送納並係本網差
人津般虛有住滯仍委荆南量物斤重更於本府差兵士同共般赴庫
送納務要本網不遲程住滯十二月二十一日三司言左班般直趙世長
先差廣州押香藥網上京三運了當各有出剩合依敕酬獎詔減一年磨
勘二十二日三司言今後西路般鹽網到京交納數足外如本網收到已
破耗鹽出剩數目五席已上人員支錢一千二百網官一千副網八百十
席已上只倍此數梢工每席支四百充賞其人員網副五席已下及本網

內有拋失少欠并稍工收到一席已下即不支賞錢所有緣河諸處夫約
鹽貨本綱有收到出剩鹽席仍依在京則例支給一半賞錢永為定制從
之續通鑑長編 仁宗慶曆三年樞密副使范仲淹言國子博士許元可
獨倚辦辛未擢元江淮兩浙荆湖置發運判官元曰以六路七十二州之
粟不能足京師者吾不信也至則命瀕江州縣留三月糧餘悉移之遠近
以次相補引千餘艘將運而西未幾京師足食慶曆四年正月十二日河
北京西陝西河東當道鋪軍士特支錢有差時雪寒輦致綱運辛苦故也
七年九月二十九日發運使柳灝言淮南兩浙路運河久失開閘頗成梗
塞往來綱運常苦淺溢今歲夏中真揚兩界旋放放水仍作渠子僅能行
運久積泥淤底平岸淺貯水不多易為滿溢連有雨澤即泛斗門堤防不
支或害甚據竊以東南一方諸路百郡鹽糧錢帛茶銀雜物凡所供國體
軍者盡由此河般運若或仍舊不加清治將見多滯綱運有悞歲計欲乞
應運河經曆州縣委逐處官吏預計合用工料開去淺灘須得深至五尺
仍於開汴口之後未行運已前下手令逐處以廂軍及住綱兵士如開少
即量差人夫入役依例日給口食仍乞今後每二年一次准此開淘從之
嘉祐二年十一月十三日三司使張方平言備儲康通漕運當令河道疏

通故藝祖開國首浚諸河按汴渠本禹迹也春秋時已各見諸經歷代皆
嘗清之隋大發民開鑿始名通濟渠自漢至唐雖都雍洛九諸水運咸資
此渠漕引江湖利盡南海天聖已前每歲開理綠河罷備名品甚多未嘗
有埋也天聖初有張君平者陳利見始罷春夫繼以浚妄人苟規賞利省
減役費以為勞績致致淤塞有妨通漕至于患民廣濟二河皆所以致四
方之貨食以會京邑舳舻相接贍給公私近年以來悉皆填壅蓋圖長利
者不恤於小費期永遠者無憚於一勞伏乞朝廷訪聞差擇稍知水利精
力幹事不以文武官三西員經度計置開通諸河今據檢計蓋功料理其
木岸堤閘堰埭材用合繕修處先為計備嚴為責罰必令經久去年京畿
大水環官私廬舍自去秋至今春半年之中所脩諸軍營房十餘萬間夫
以國家物力豈有不可成之事但事敗於因循而成於果決至于其所不
獲已亦必成而已又諸脩造無名不急之虞土木之工無時暫輟所費不
可勝計此諸河道皆是祖宗留心之地國家大計所資忽而不圖是亦有
司之過矣詔應通行漕運河道宜令三司下逐地分當職官吏檢計的確
功料未春盡功開洶須管通快仍令都大堤舉河渠司更切提轄壁畫施
行勿令稍有阻滯三年八月詔三司以淮南上供米十萬碩錄患民河以

續京西路十一月詔曰國家建都河汴仰給江淮歲漕資糧蓋于唐漢繁
經制之舊定有常守而不踰大路所供之租各輸於真楚度支所用之數
率集於京師以發運使總其綱條以轉運使幹其歲入荆湖升楫回載海
鹽淮汴舳舨不涉江路方冬閉塞役卒得以少休近歲因循故事從而遂
廢吏緣為姦人實告勞比饒攸司遵用往則曠歲于此格詔未行豈發運
使不能總綱條而將運使不能降歲入哉今茲講復皆本故事雖爾職繁
則有謹罰其令江南東西荆湖南湖路向浙運司限一年各造船添梢工
及駕船卒成成本路糧綱自嘉祐五年為始止令逐路提年額解舩般赴
真楚泗州轉般倉却運監歸本路發運司更不得支撥襄河監糧綱往諸
路初發運使許元言江南東西荆湖南三條上供斛斗舊皆逐路歲至真
楚泗三州後載並以回而汴船不出汴江謂之裏河綱每歲往來回運入
京乃數上供之數至十月放牽駕兵卒歸營謂之放凍比年諸路轉運司
年額不敷發運司不放兵卒歸乃令出外江沿江州軍載頭運致諸路糧
船大半為難般綱唯要發運司般監往逐處運米而還且汴船不請外江
風水沉失者多朝廷累下三司條利害既從許元議而會元罷不即行
故特降是詔四年八月却水監言河北提點刑獄薛申言御河運路雖

略通漕運了今復已板溢蓋今春差官檢討差晚已難得人工故措置非
便即大河汎漲又非其時阻節公私輦運今冬須霜降水落經度檢討候
春天興工事當辦集監司看詳欲依所請下本路提刑司今冬據河合行
開修去庚子細檢討合役工料春天興辦貴通漕運不阻舟船從之六年
四月二十一日詳定寬恤民力所言屯田員外郎陳安道言諸州運衙前
般送綱運合請地里脚錢逐處須候運畢方給緣雇覓脚乘打角官物須
至陪取債負及賤買高產如地遠州軍不免使使官物致陷刑憲乞今後
應衙前般請綱運合支脚錢者並於出請物州軍先次支給聞報受納州
軍照會其送納綱運者於起發州軍先次支給如願運畢請領各聽從使
詳定所檢會處曆編教上供及支撥官物等如官有水陸迴廊並許差人
管押附搭送納其陸路無官般及無軍人者許破官錢與押官人和雇脚
乘仍依國經地里每百斤百里支錢百文急來軍運雇備不及即差借人
戶脚乘仍具事由聞奏其川陝有水路不使者將運司計度般運今安道
所申自合依條於請物州軍先給脚錢竊慮州軍候運畢方給致使衙前
重有勞擾乞今後押綱運和雇脚乘依上條使行從之治平三年九月
詔淮南江浙荆湖利置發運司若江東西年額斛斛不足則許出汴河糧

船七十綱以漕初許元言江東西湖南三路往時皆轉運以本路綱漕斛
斛至真是泗州轉般倉即載監歸本路汴綱止漕三州轉般倉物上供冬
則放漕卒歸營至春乃復集近歲諸路因循綱多壞乃令汴綱至冬出江
為諸路轉漕漕卒不得歸息良困苦乞詔諸路增保限船載年額至真是楚
泗州卸如故事於是言利者亦多以元所言為是朝廷為詔諸路如元奏
詔出久之而諸路綱尚不集嘉祐三年十一月乃勅諸路限至五年汴綱
不得放出江比及五年而諸路船終少發運司又屢奏乞令汴綱出漕而
執政服以中旨詔施之諸路既患船不給而汴綱以出江為利既不得出
兵稍乾冬坐食而苦不足皆盜折船材以充費船愈壞漕年額久愈不及
執政初但欲漕卒得歸息而近歲限綱多和雇大兒每船卒不過一二人
既少至冬當留官船又實無得歸息者至是乃詔汴綱出漕然尚限其數
其後遂復許以皆出如故矣四年十月十七日神宗即位未改元准江淮
等路發運使沈立言近三司擘畫汴綱與人私載物貨許兵梢論訴並依
條斷遣緣兵梢多是凶惡身分衣裝剋折不全惟務侵盜如人員部轄整
齊方可搭載私物了當斛斛若許告訴則互相疑貳經久轉至作契敗壞
綱運乞約束應係綱運今後不得大段搭載私物及有稅物到京並盡數

送納稅錢如違犯並依條斷違其近降許令兵柄首告指揮乞不施行詔
今後管押糧綱使臣人員等所載私物並依舊施行前詔更不用十一月
十四日權發遣三司使公事邵必進准朝旨下江淮發運司定到綱船梢
工私載並科違制之罪人員綱官知情即與同罪物貨沒官及給告人充
賞今無改生事創立法則望賜追寢且依舊法從之

宋會要 宋漕運三

神宗熙寧四年二月二十一日詔近借內藏庫錢六十萬貫充河東賑西路折斛錢宜令數內先撥三十萬貫赴河東令三司選使臣軍大將差船般至河陽令京西轉運司和雇脚乘或差兵士轉送赴河東路近便州軍交納如無住滯使臣與先次指射優使差遣軍大將與減磨勘一年五月淮南等路發運使薛向言諸河押綱使臣內有老病昏昧不職之人不能部轄及同情偷盜官物未有立定體量指揮直至兵稍訴論或因冒置事發方論如法如不該傳替復得押綱深屬不使乞自今應押諸河綱使臣委自發運使副及本路轉運使副體量如內有老疾昏昧或人員貪濁踰違多酒慢公并歷內曾犯贓私傳替之人不堪管押綱運即具事狀以聞差人衡督如未曾交割綱運管押即發遣歸班所貴綱運齊整從之六年二月十五日成德軍言在府場務差遣參用禁軍軍員惟管押綱運只差三百料錢以下不教閑廂軍人員詔從之仍不得妨本營部轄九年八月二十六日熙河路經略安撫使高遵裕言勘會見七軍馬雖累牒轉運司廣作孽盡應割糧草其差雇蕃脚亦非人情所願難以常行乞令速行計置糴買及別立般輦之法乃下秦鳳等路轉運司於是轉運判官孫迪言

自來多和雇舊脚般運糧草支與見錢亦不聞曾有嗟怨遵裕奏乞罪雇
舊脚令歸運司令轉運司別立輩運之法幸本司不能供辦即坐不職之
罪竊慮糜壞運計詔雇舊脚令戶房申行下十年十月二日詔諸糧綱道
借并諸般損減斛斛每綱不及五十碩支充本綱兵稍月糧口食批上券
曆於次月剋折五十碩已上即令轉變收羅元色填欠如違借斛本名
正數已足更不生欠委本倉推曝估賣內逐船及十碩已上稍工方得科
罪元豐二年五月二十一日三司言糧綱少欠折會請受聽借兩月行之
歲久減免深刑便於綱運近為錢少欠於法未有明文先依糧綱折會法
今再相度既借兩月請受慮贍養不足別致欺弊欲改兩月為四月各半
分折填從之九月十九日詔東南諸路上供雜物舊陸運者委三司增置
漕舟並從水運十月二十七日三司言自今汴河及江南荆湖綱運諸
以七分差三班使臣三分差軍大將殿侍從之初詔以三班使臣在班常
不下三四百員有至一二年方得差遣者而三司軍大將不足庫務綱運
關人管押令三司議以使臣代之仍定理任歲限賞罰之法三司乃言汴
河糧綱舊法不限分數差遣使臣其江南荆湖四路許差使臣五分并舊
不差使臣路分若悉以使臣代之祿食視軍大將所貴為多故有是詔四

年四月七日梓州路轉運司言都大經制瀘州失賊公事司牒將來入界
節次聚糧運乞差顧夫五萬本路四萬成都府路六千夔州路四千從
之俟令所差雇人牛等先於本路如不足於夔路又不足方於成都路二
十七日中書言勘會變通運川陝路司農物帛等般運已至陝西有合變
轉措置令逐路提舉司除銀并鈔納布依省樣可充支遣者存留其餘更
轉移徙出賣或折博糴糧斛并於進要州郡樁管限一月結絕川陝至陝
西路未般物帛慮有損失仰催提搬運如闕鋪兵亦許雇人併力輦致所
費錢並放支較內支從之七月九日詔應陝西軍須物可並以舟載至西
京界今京西轉運司運致十月十二日詔河東差夫及餽運率方命按閱
三路集教義勇保甲趙鼎權主管都轉運司候事畢依舊令運官於潞州
置司械陳安石黃廉劾罪莊公岳趙咸侯隨軍回取旨其按閱集教義勇
保甲止令李舜舉往上續批陳安石黃廉可且令送獄淑禁勅之先是上
詔禹等曰聞東河轉運司應副軍事調發人夫不量民力厚薄致有實不
可勝屢經川縣就訴者卿等可因按閱所至廉問如委有措置率方事狀
馳驛以聞至是高宗等体問得運司昨差夫萬一千隨軍坊郭上戶有差
夫四百人者其次一二百人願出驢者每三驢當五夫每五驢別差一夫

被
行
披

付
行

驅喝一大雇直約三十千以上一驢約八千加之期會迫趣民力實不能
勝入軍須調發頗擾止是不急之物如絳州運棗千石往麟府每石止直
四百而雇直乃約費三十緡陝西買被皮供軍亦非要切如此之類乞特
裁減故有是命十一月九日涇原路轉運判官張太字言餽運之策莫若
車便竊見自熙寧寨至磨嘴口皆大川通車無礙兼問自磨嘴口至龍嶺
下道路與此無異自嶺以北即山險少水車乘難行以臣愚慮可就嶺南
相地利建一城寨使大半自鎮戎軍載糧草至彼隨軍馬所在却以軍前
夫畜往來短運更於中路量度遠近築立小堡以相應接如此則可有民
力之半止以遣回空夫併力修築上批付盧秉曰張太厚奏乞城蕭關改
城以為根蒂賊界人戶盡可招來道路氣勢遠近相屬可通大車轉餉其
策甚善蓋其成功已見於熙河卿其早圖之則一路不日當有兀席之安
矣十九日京西轉運司言準朝旨於均鄆州共發天三萬每五百人差官
一員部押赴鄆延路饋運計用官六十員本路闕官乞於起夫縣各差令
佐及鄆州縣不依常例共差二十員餘四十員乞自朝廷差官詔均鄆州
所起夫三萬自離家日及本路程損並依前降指揮日支錢本外令轉運
司計自入陝西界至延州程數日支米錢三十柴菜錢十大並充併給五

年二月十一日罷廣濟河輦運司及京北排岸司移上供物於淮陽軍界
計置入汴以清河輦運司為名之朝奉即張士澄都大提舉先是京東路
轉運司言廣濟河用無源陂水常置渠以通漕歲上供六十二萬碩間一
歲旱底著不行欲移人船於淮陽軍界上吳鎮下清河及南京穀熟寧陵
會時臨汴水共為倉三百楹從本司計置七十萬碩上供置輦運司隸轉
運司歲減船三百五十兵工二千七百綱官典三十三使臣十一為錢八
萬二千緡下提點刑獄司按實以為如轉運司言京北排岸司治廣濟河
置之故并罷之五月十六日詔陝西都轉運司運糧應副軍興於諸州差
雇車乘人夫所過州交替人日支米二升錢五十文至汧邊止軍糧出界止
差兩軍仍曉示人戶知悉七月二十一日御史王桓言昨廢廣濟河輦運
自清河轉准汴入之臣每見累官京東博知利害者詢之皆以為未便如
廣濟安流而上與清河汴流入汴遠近險易較然有殊望更體量詔令轉
運提點刑獄輦運司以舊廣濟河并今清河行運比較利害去年二月六
日詔熙河蘭會經略制置司計置蘭州人馬二千糧草於次路州軍利
利官私乘駝二千與經略司令自熙州指運事力不足即發義勇保甲二
十四日李憲言計置蘭州糧十萬缺乞發保甲或公私乘駝般運及慮妨

詳見陸運

詳見諸河

五月三十條一本
在元祐七年以
可從今移于後

春耕臣已脩整網船自洮河漕至吹龍寨漢廂軍漢撥運赴蘭州詔如索慶
舟船撥運不足須當發義勇保甲即依前漢詔九月十五日尚書戶部侍郎
奏周輔言累奏乞不閉御河徐曲口以通漕運及商旅舟船至沿邊詔本
安撫提點司與知恩州官同相度以聞詳見諸河十一月五日提舉
導洛通汴司宋用臣言朝旨歲運糧百萬碩赴西京已計置截撥東河糧
綱至洛口以淺船對裝計會本路轉運司下卸從之仍候來歲終一全年
見利害別議廢置七年三月十六日詔江淮等路發運副使蔣之奇都水
監丞陳祐求合遷兩官餘減審磨勘三年循資有差以上批開開龜山運
河於漕運往來免風濤百年沉溺之患彼方上下人情莫不忻快其本建
言及董役成者令尚書司勳第賞以聞五月三十日詔鳳翔府竹木機應
募土人以家產抵當及八千貫以上者管押上京如有拋失虧欠候交納
了日給限半年填納數足與三班借職半年外與三班差使過一年與三
班借差過二年即不在酬獎之限其少欠木植名數仍將元抵當估賣填
官先是熙寧初鳳翔府實難縣木務舊係舉人姚舜賢願將家產抵當獨
押修河椿木上京罷軍大將十五人康秩之費詔從之而舜賢所押板增
羨官私利之故有是詔七月二十一日新河東轉運副使范純幹言昨在

陝西朝廷每給軍須並計綱雇夫起發頗為勞擾乞自今河東陝西邊用
非慮副机速者並令小作綱數排日進送從之蘓黃門龍舟略志言水
陸運未難易元祐三年春關中水旱提刑司依法賑民不以聞朝廷呂
微仲使人憂之過甚有吳革者自白波軍還罷還欲求壹陰因議水陸運
米以濟關中之飢朝廷下戶部且使革領其事革言陸運以車營務車駝
坊駝駝運至陝水運以東南綱船般至洛口以白波綱船自洛般入黃河
革見予於戶部予謂之曰吾已為君呼車營務駝坊取掌人矣君姑坐待
之既至問之車營務無車駝坊無駝駝予曰此可以賀君矣若有車與駝
駝君將若之何革曰何故曰陸運至難君不過欲多差小使臣軍大將謹
其囊封耳車營務駝防安給多通犯配刺封既行必多作緣故使前後斷
絕監者力不能及所至盜賊且賣若不幸遇雨則化為泥土君皆莫如之
何也革無語復謂之曰至如水運亦且不易汴河自京城西門至洛口水
極淺東南綱船底深不可行且方春綱先至者皆稱酬獎得力綱轍今由
去人情必大不素及至洛倉庫疎漏專斗不具雖卸納亦不如法白波綱
運昔但聞有竹木不聞有糧食此天下之至險不可輕易吾已付鞏運司
令其可否矣然君雖自言吾當見諸公議之及見微仲微仲業已為之不

肯盡罷予為制汴岸淺底船量載米以往未几予罷戶部聞所運米中路
留滯雖有至洛口散失壞敗不可計哲宗元祐六年三月二十六日江淮
荆浙等路發運使晁端言請應汴河糧綱每歲運八千碩已上拋欠滿四
百碩押綱人差替綱官勒充重役滿六百碩軍大將殿侍差替使臣衙管
外更展三年磨勘若行一運已上拋欠通及一千五百碩除該差替衙管
外更展三年磨勘其初運但有拋欠仍無故稽程至罪止者亦行差替重
役從之四月二十一日刑部言御河糧綱初係六十分重難差遣其後以
河道平穩改作六十分優輕今因小吳決口注為黃河水勢險惡乞復為
重難從之九月十五日戶部言使臣人員押蓋糧綱沒失少人該衙管差
替者赦降去官不免從之八年十一月十日江淮荆浙等路發運王宗望
言檢準熙寧二年中書省言綱運豫行修整舟船欲擬合雇人夫工錢十
分先支二分候合給工錢只支八分勘會諸綱所借錢數不多綱稍不免
多出息作價及責賒買鋪襯等項致錢少雇夫不足偷侵官物今欲乞
十分內先支三分從之紹聖元年九月七日戶部言發運司收每年上供
額斛及府界南京軍糧動以萬計止管汴河一百七十餘綱須裝卸運之
速乃能辦集其汴綱在京等處卸糧多有少欠綱分依朝旨並批登下裝

發度折會結絕而從來未有立定日限備償明文欽並依京東排岸司一
司式立限備償若裝發度不便結絕自依元祐八年頒敕條新罪從之二
年六月二十四日江淮等路發運司言汴河糧綱般過八千碩已上或不
滿八千碩拖欠滿四百碩者六千碩者押綱人及使臣乞勒充重役衝管
展磨勘三年從之十一月二十一日江淮等路發運副使張珣言乞添置
汴綱通作二百綱從之徽宗崇寧元年三月八日發運司言乞將諸州備
裝官物上京新船並委泗州監排岸官員置籍拘管有入汴舟船當日抄
剗及梢工押人姓名並給公提付本綱收執前去不得別有諸般占留差
使從之三年六月二十四日陝府西路兼熙河路都轉運使鄭僅言奉朝
旨差雇夫役運糧應付河州酌量人戶財力所勝立定保伍維持之法人
無偏重不均之弊部夫官無逃竄人夫散失斛斗之患官私稱便雖申請
到已得差夫體例緣係一時指揮竊慮今後本路無法遵守却致輕重不
均欲應差夫起丁並依此施行詔非因邊事不得立為定法如今後雖因
邊事差夫起丁亦未得一面差雇仍須擬合差雇數目申取朝廷指揮四
年二月十日虞部員外郎辛之武言咏朝旨差沿路催促起發熙河秦鳳
路錢物綱運鋪層多是止稱元押使臣等某人並不抄上所押官物名色

此係水運陸運
保收

赴甚處送納蓋從來未有閔防欲應步路般革錢物綱運今逐路逐鋪置
曆一道遇官物到鋪令官押人於曆內親書批鑒日時及某官或某人姓
名所押官物名色至某處送納合使車几兩或兵士几人若無人掌理合
行打過者亦須分明批鑒因依或植推併即依到鋪先後資次撥發般運
其曆令所屬州縣鎮起置用印給付季別一易仍委此轄使臣或掌官
常切呼索點檢從之五年七月十九日刑部尚書王能甫言國家仰給諸
路綱運全賴軍大府官押而無閔防姦弊滋甚欲乞今後已差及見押諸
河綱運或得替未到部并有縮繁軍大府應官司雖畫到特旨朝旨抽差
並不得發遣從之大觀元年八月二十八日詔綱運舟船牽挽浮駕之人
既出本界仰給公流糧食而州縣以非本道人兵押而不致致侵盜綱米
餓殍失所可依發運副使吳擇仁所奏綱運管押人經過州縣合該請吏
不即時勘支趕發以違制論不以去官赦降原減發運司不按與同罪二
年五月七日京畿都轉運使吳擇仁言奉詔四輔各積糧草五百萬內北
輔將來計置汴河寄洛口入大河下至臨河縣置車鋪般揭臣今先次相
度汜水縣去河約一里有都大進河解字可就本處踏逐倉收卸納就委
都大官照管盤裝入黃河船順流入北輔又榮澤縣通洛埧開至黃河三

十里自來遇汴水泛漲黃汴兩河船棧往來若計置得糧斛數多亦可至
將裝發又南輔溪河自長葛縣西十里堰斷引水東入茶磨向下開修十
七里取退水還河足以行運詔擇仁相度條畫措置聞奏六月二十八日
詔六路起發綱米於南京截下卸交量並依在京司農寺條法施行三年
四月二十六日戶部檢會大覲三年四月四日湖南轉運司狀欲將本路
見關押綱使臣下吏部權差使臣奉聖旨提今來見國人數並權許見在
部小使臣免短使指射每一運如無違欠與減二年磨勘及支與本資序
請給外支破券一道看詳前件指揮每一運如無違欠減二年磨勘即是
尚有違程自合引用元符令二日以上降一等十日以上不准在實限如
有少欠係以全綱數折會填納外欠不滿一厘合依元降指揮推賞今欲
申明行下詔依四年八月五日戶部言契勘元豐舊法錢綱少欠折會填
納本船少欠滿半厘有斷降之文半厘外計贖以盜論至既減一等押綱
官亦有斷罪降等衡著指揮法禁甚明犯者亦少見行條法一分以上方
送大理寺一分以下許於本路處折會即是一綱押錢五萬貫明許欠錢
五千貫以下詔依元豐十月九日詔東南六路額斛復行轉般之法十一
月十六日臣僚言契勘汴綱使臣等用心鈐束往來級捐方獲解集理當

立酬賞今相度汴河押綱使臣等任滿無拋失少欠罪犯亦無違程般請
不了過名者除依元條綱運酬獎外更與減二年磨勘軍大將比折以使
若不該元條酬獎者只與上件減年恩例庶使激勸用心整齊行運軍儲
早辦從之政和元年六月二十六日戶部言江南東路監司乞凡依條合
運載官物所用舟車之類委當職官臨時依民間價直僱雇不立定制從
之八月八日戶部言乞從發運司請應諸路州軍起發上供錢物及附搭
金銀錢帛不以多寡並取所押人行程當官逐一批上如不即書及別給
文據即乞從收支官物不即書眉科罪從之二年六月五日江淮發運司
言勘會見有事故綱分關人管押乞據踏逐到軍大將宋瑗等並特行差
發州乞今依此指揮本部勘當宋瑗等并係見押綱運并見勾當專副
及得替未到部館繫之人有礙勅條不合發遣及乞今後依例特差難議
施行檢會大觀元年三月二十八日勅諸路綱運押綱軍大將見關及年
滿綱運無人差撥特召募軍將未足見關及數應諸河綱運案名令發運
軍運轉運候發鑄錢司下諸州並依都官法用家業抵保召募土人或衙
前吏人等關軍將就近管押委本貫縣司保明中所屬州軍審察保明申
本部給狀以補充如州軍職官員入仕十五年以上者與換正名軍將並

只令管押本路軍大將綱閣其逐處召募到人仍填見關次年滿皆差訖
即令所屬關申都官所有向去磨勘改轉及罪犯並依都官條法都官條
保人合用諸司正名二人及命官一員慮在外難得命官為保土人即令
召本處有勑力人二名衙前吏人一名召本色二人為保若綱運有違
重不同者令所屬吏差押如有少欠官物該差皆者發遣歸部依條承
差差使其本部差去押綱人便召募到土人即發歸部詔依大觀元年三
月召募土人捐押施行七月十七日綱南西路轉運使言本路每年合銀
上供銀絹一百二十餘萬碩雖許差衙前權押或用土人軍將少有行止
之人乞在部進納官銓試不中之人許令注擬管押以三年為任任內無
違關即與依試中人例注授差遣從之十月八日尚書省言奉詔措置東
南六路直達綱欲六路轉運司每歲以上供物料各於本路所部用本路
人船銀運直達京師更不轉般仍自來年正月奉行其發運司見管諸色
綱船合行分撥應到諸路餘令發運司應到非泛綱運其淮南轉般舊制
歲脩水脚工錢四十二萬碩合令本路提刑司拘收封樁今來初行直達
諸路運司竊慮難於應辦每路於上件錢內支二萬貫應到一次所有六
路運糧歲認應到南京等處米斛除湖南湖北教少外欲令江南管認南京

兩浙管認雜丘江東管認裏邑淮南管認咸平尉氏陳留更不差衙前公
人軍人除使臣軍大將外許本路募第三等以上有物力土人管押除依
募土人法其請給驛券依借職例支給若曾充_公吏人或犯徒以上並不
在招募之限招募不足許差見在官又不足即募得皆待闕無贓私罪非
流外官充逐路各差承務即以上文臣一員自本路至國門往來提轄催
促杖叩隨行網運有犯許一面勘斷請給人從依轉運司主管官例仍給
驛券許招置手分貼司各二人仍與本路轉運司吏人察理名次升補江
南四路地理遠近更差大使臣以上武臣一員往來催從檢察其請給理
任依本資序仍別給驛券江湖網運管押人如二年般及三運至京或南
京府界下卻拖欠折會外不該坐罪使臣與減二年磨勘軍大將依法比
折土人與補軍大將外仍減五年磨勘再押該賞依使臣比折若一年及
兩運亦依上法推恩准折一年般及兩運與減一年磨勘三運以上減二
年餘依前法逐路網官精工運併兩資該賞者仍許網船內並留一分力
勝許載私物沿路不得以搜檢及諸般事件為名故為留滯一日管五十
二日加一等至徒二年止_公人攔頭並勒停官司如敢截留人船借撥差
使者以違制論截留附搭官物者徒_公二年官員衙門人吏勒停所有起

發交卸條限與舊不同淮浙初限三月次限六月末限九月江湖止分兩
限上限六月下限十月終般足矣竊偷盜者諸色人博易雜買并過度人
並同監主科斷至死減一等並依內提轄文臣候催了日赴尚書省呈納
具狀以行陞黜十二月二十二日發運副使賈偉節言綱運經由多是於
兩界首住滯今來興復直達須藉稽考欲乞應泐流催綱官司並將所置
催綱層改為催綱簿半年一易應有綱運出入本界並真書抄轉上簿廢
凡易為省覽詔依三年正月二十九日兩浙轉運司言見奉行直達之法
今措置下項兵官差刷上綱兵士未有罪賞專法除已將諸州所管廂軍
多寡以十分為率每州歲差三分配上糧綱率駕行運依條一年一替外
乞立法請州兵官任滿如差足糧綱兵士逃亡不及三分之一比附押綱
使臣一年三運以上與減年酬獎若歲終差刷不足或逃亡及三之一即
乞罰俸兩月若差不及一半或雖越若逃亡一半以上並乞特行差替仍
舊課利虧欠法官吏並不以赦原減又本路見管禁軍二萬四千餘人依
熙寧元符勅令許差下禁軍兼廂軍見知州通判等官員當直近因大觀
二年朝旨不許差檢禁軍當直從此盡占廂軍竊緣禁軍自有分輪番次
之法即不妨教閱欲乞權依熙寧元豐令文許令兼差充那廂軍差上糧

網戶部檢承勅兵梢網官團頭在路逃亡病患事故並仰所在官司即時填差若不行差撥並杖一百公人勒停今來本司所乞除差撥上綱人兵沿路逃亡係屬本綱其元差處本官難以認教立罰如差撥數足自係本職亦准比附押綱使臣一年三運以上減年酬獎詔禁軍當直不妨教閱兵官賞罰等並依本司所乞餘路依此三月八日金部員外郎盧法原言承明旨差委催督直達糧綱其批書行程妄破限無緣檢察虛實欲乞將糧綱行程候回元裝發官司歲終類聚奏照雨雪風水事故察其虛實具安批官司類申戶部乞行點責從之十八日戶部尚書劉柄等言乞應諸路大祀上供錢物綱並令不許沿沅州軍附搭諸般官物如有違犯乞從本所依朝旨送所屬或隣州縣官員取勘具事奏聞仍不以赦原免從之七月二十三日發運司管勾羅耀顏彥成言綱運自來拋失係地分軍兵及河清馬連鋪等人給借濕米雖累借不得過十碩而官司未嘗計之及每月起解亦不過三二斛緣還隨借終身不能備償故應拋失濕米並只許估價出賣或貸借民戶依法隨稅送納不許諸兵借請從之四年二月二日兩浙轉運司言綱運自北入水州關並係空綱鎮江府江口放重綱出江之時望水洲上口要入住住被空綱迎頭相礙今水洲關外自有河

道謂之下口欲乞自今後北來空網並於下口出江使重網於上口入關

極為便利伏望下淮南轉運司約束施行從之十一月二十日詔諸路召

募到并第土人押綱初運並令支撥優便去處裝發一次如運內有欠次

運即却入重難無欠者還依前法即撥入重難而一運或次運能補足前

運所欠之數及今運亦無欠者並却入優便去處裝發如違及不依次輒

差餘人者徒三年不以失及赦降原減其諸路網運見押人如係衙前公

吏管押若已起發並候回本路日別差應入人交割訖替罷未起發網運

並改正別差人管押從尚書省請也五年七月九日祠部員外郎胡獻可

言乞諸路網運召募土人除各有已降指揮外欲乞應網運窠名輕重及

理界年分并理運數並依自來都管差副尉條法施行候界滿日令更立

管押從之錄自十二月二十二日詔脚戶使用般運錢物許人告獲

先支賞錢五百貫後於犯人名下追納如不足應干係及交易人均備並

以自盜論從河東轉運司請也宣和元年六月十八日詔陳留縣等處應

開決河口地速行修開仍令都提舉汴河隄岸司洛口都大司依已降指

揮疾速放水行網運不管小有阻節令尚書省繼日催促二年六月十九

日發運司言臣僚言東南歲漕召募土人有物刀自愛之民多不應募惟

無賴子弟產業僅存及兵稍姦猾者則旋以百千置產使親屬應募遂補
守國進義副尉乃得管押萬碩綱至京欠及一分五厘計米一千五百碩
纔得杖罪差替復多引赦用例止罰銅十斤計一歲六百二十萬碩之數
所欠無慮數十萬矣乞下六路應米麥綱運依法募官先募未到部小使
臣及非泛補授校尉已上未許奏部人并進納人管押淮南以五運兩浙
及江東二千里內以四運江東二千里外及江西以三運湖南北以二運
各欠不及五厘依格推賞外仍許在外指射合入差遣一次若應募而輒
敢沮抑及乞取者並科違制罪詔依前項先次施行召募土人決並罷其
餘應合條畫事件仰陳亨伯趙德限一月同共措置條畫以聞今條畫且
達綱差管押人先大小使臣校尉合注授人次校尉以上未奏部及未到
部人次非泛補授校尉以上未許奏部人次進納文武官次副校尉理需
管押水陸重難綱運副尉理需重格差遣各一次再任者候到部再免一
次進納人免奏部每運至卸納處無拖欠減磨勘三年併押兩運無拖欠
者轉一官資仍減磨勘三年進納人依正法併押五運無拖欠依捕盜法
改換使臣不及一厘謂折會借納外下准此減磨勘二年不及二厘減磨
勘一年以上副尉依使臣法比所展年准此少欠坐罪自依本法三厘展

磨勘一年四厘磨勘二年五厘展磨勘三年一分拋失空重級及十五貫
同銜替副尉勒停三分勒停副尉仍展三期叙罪至銜替以上者奏裁副
尉勒停准此押綱人銜替者綱官配五百里勒停者配千里沿路官司或
非本路網運坐視不問今後拋失或偷盜並令地分官司限一日具數申
發運司置籍報隱庇或漏落實數者徒二年申報遲限者徒一年發運司
置籍候歲終開拖欠地分轉運司次年依上供條限承認補發外仍各計
逐路年額上供數令發運司以元起發路分年額十分為率計經田路分
拖欠數具奏責罰轉運司官在本路拖欠者同五厘展磨勘二年七厘三年
一分取旨旬應網運經田地分發運及別路轉運司官覺察偷盜作過及
留滯損壞等事任責並如本路轉運司六路拋失歲終戶部比較三年數
中尚書有取旨陞發運司官其專置提轄官在路拋失自今計本路年額
以十分為率責罰令發運司具奏三厘展磨勘三年五厘降一官一分取
旨經由地分赴捕官司自今應偷盜軍人公人不覺察者杖一百累及五
綱以上者徒一年命官各減一等即故縱者各加三等軍人公人不以故
降自首原免命官雖會赦仍奏我若能用心巡察捕獲犯人計贓不滿一
貫命官陞半年名次五貫以上減磨勘一年每及十貫更減磨勘半年一

百貫以上轉一官諸色人計贓不滿一貫賞錢十貫五貫以上錢三十貫
每及十貫加錢十貫一百貫以上錢二百貫軍人公人仍轉一資詔依三
年正月二十四日詔江湖淮浙錢帛糧綱見在運河阻淺及江湖未應准
以前未可令發運司相度權行寄卸於真揚楚泗州高郵軍在城運倉令
空船且往逐路捐運庶免日久綱兵侵欺官物生費糧食如三四月河水
通行却載向上空船裝發上京其後二十七日尚書省言今來將近中春
江湖已應即與冬月不同若上件綱運能至楚泗州即通淮汴更無阻節
自可直至闕下若於逐州寄卸舟行計置舟船般運轉見迂枉竊慮有礙
中都歲計支遣詔已行下文字更不施行二月十八日詔應官員下班祇
應到尉管押綱施夫少欠見今勒住差遣者果降指揮如元非侵盜特與
放行差遣仍擬合催欠員於請受內依條尅納三月十四日淮南江浙荆
湖制置發運使趙億言今月六日奉御筆運河淺澁中都關誤仰火急措
置拖拽用車畝水須管於三日中三十綱到京及別行措置自江入淮到
汴利害聞奏契勘真揚等州運河淺澁潮漲皆乾別無水源止可車取江
水臣見與逐州并本司官分頭措置車畝江水為河道遙遠未至添長所
有自江入淮到汴緣經涉大海遠洋轉至淮河方可入汴未見得可與不

可泛海入淮河行運先已牒通海州鎮江府仔細相度講究的確利害次
又奏勘會去年楚州界河茂華御筆於河東常平錢穀內特給降錢米各
五千貫碩付東亭佃募綱食人淘河車水今來欲乞降指揮下淮東提舉
常平司量於東京路借撥到錢米內各支五千貫碩雇人車水等使詔趙
德遵果已降御筆處分疾速措置津遣綱運其所乞事理依奏六月初十日
發運司言糧綱昨降指揮召募土人法並罷差大小使臣等管押勘土人
內有暗知行運次第自管押糧綱以來少欠不礙分厘不曾被罰曾經推
賞有心力可以倚辦之人欲乞存留從之五年六月九日詔應押綱人犯
罪或違程拖欠合批書印紙而收匿避免批書者杖一百十日發運副使
呂源言欲下諸路轉運司須管見得逐州縣申到實有米糧方得支綱仍
依條預借綱梢三分錢如違限許逐綱陳訴從之以轉運司科數下州縣
支綱實無見管糧料綱運等動經數月又不支借三分工錢故也七月十
八日發運司契勘江湖路裝糧重船多是在路買賣違程住滯本司看詳
上供錢物綱在路有故違程依法不得過三日累不得過一月所有諸路
糧綱即未有立定明文今欲比類上供錢物立定有違程不得過十日內
江東淮南兩浙路地累不得過一月湖南北江西路地遠不得過兩月所

元日作十月十
日又重上呈
二月之祀

卷五十九

七

有守開日分許與除路及無稽程并經由催綱地分官司亦乞比附上供
錢量行增立法禁詔六路糧綱地分官司不催發杖一百十月二十三日
江南運判蕭序辰言嘗諸綱船折欠多因沿路稽留而沿路官司政有阻
節有合支請給度而不即支散有附帶官物度而不即支付有風水靠關
處而不即救應催發有回運合支工錢處其寄格錢輒已移用推託不支
又有一路清司不自計置舟船輒有申陳截留化路回綱尤為不便欲乞
嚴行約束詔令發運司措置十九日發運司言江西湖南北兩浙西路新
用勅告香藥鈔均輸斛斗已准指揮權暫和雇舟船搬運合要管押人自
合依前後所降處分召募起發外相度欲乞從吏刑部每路各更差小使
臣所副尉校尉一十人發遣赴逐路相度差押綱運使之十二月十九日
詔應管押綱運使等並不許諸處抽差如違官司及被差人各徒一年從
戶部尚書盧益請也六年三月二十九日發運副使呂滌言准給降香藥
鈔告數計一百萬貫分雜斛斗應副般轉乞令逐路擬已糴米那借係省
官錢雇船起發從之閏三月六日戶部言勘會東南路歲起上供布六十
萬匹兩次朝旨下發運司催趕至今未盡數到京其沿路官司坐視畧無
督責欲乞逐官各置催綱行程曆從本路轉運司就使印給逐時抄工綱

運入界時日押人姓名船隻所載官物躬親監催起發至甚日時出界本
地分內有無風水拋失住滯緣故重時關報下界首官司逐旬開具申本
司至歲終本司取索行程層點檢驅磨如能巡捕督促別無留滯及拋失
舟船若覆到兵稍等人持易置賣乞從本司比較取摘三兩員最優者保
奏等第推賞如依前弛慢除法新罪外仍從本司酌其情重者奏勘詔依
七年二月四日尚書言勘會東南六路諸州軍逐年裝發上供額斛自來
立定知通任滿賞格輕重未至均當近又因兩浙申請將不滿一任替罷
之人不論到任月日淺深所起斛斛多寡但管勾裝發無違限便依任滿
法作不滿三十萬碩皆減年磨勘今修下條一萬碩創以上陞一季名次
五萬碩以上陞半年名次十萬碩以上減半年磨勘二十萬碩以上減一
年磨勘三十萬碩以上減一年磨勘四十萬碩以上減三年磨勘從之二
月八日詔燕山關糧可自京師運米五十萬斛令工部侍郎孟撝親往措
置四月十一日尚書省言近降指揮罷兩河土人押綱契勘土人有財力
家業軍校草身貧弱網運不繼往往進亡其弊可以生見合行修復從之
五月三日詔盛宗原拘汴羅本與後轉般並係節前措畫親筆處分無預
漕計亦無取飲於民坊間諸路漕司輒敢觀望指準補欠便不以上供歲

額為易發運司官又欲以補欠為已功不復督責奉此以廢彼其宗原所拘以錢本可令不住於夏稅豈熟去處廣行收糶其已糶到并去歲均糶斛斛並行椿管以御前措置封椿斛斛為名所有諸路上供額斛除已代發過數合行截還外且令依舊徑發上京如違以大不恭論九日臣僚官又仰木機自來號為重難本臺累錄使臣陳訴工部推恩稽覈有以受納不即報應曲有留滯者有以起發官司尺寸不同因為沮問者有以外處不能盡知條法而責其必先依式開具保明者欲望有司嚴責日限不得曲為沮留以為赴功之勸詔工部限一月結絕六月八日戶部尚書劉禹言諸路糧綱情弊甚多沿流居民無不沮買官綱米斛故今後委運路官司覺察沿流人戶買官物一升賞錢十貫一斛賞錢五十貫至三百貫止買賣人決配千里外鄰人知情與同罪不知情減一等許諸人告捕犯人自首與免罪從之十三日奏運司應直達網經內度其地分催綱官樵失重船沿江十隻展磨勘三年仍令地分官司遇拋失空船限即時具報失網分姓名申本州軍運判本廳置藉抄上候歲終開具地分拋失隻數合于官吏姓名申發運責罰從之七月十九日發運使盧宗原奏乞諸路起發錢物即給走應於即納處繳磨如地分起尉苟簡或致役欺移易

四月二十四日條移
在五月二日前

乞賜照責詔違者以違御筆論四月二十四日詔宗室並不許召募押糧
網從尚書省請也二十一日開封尹王革奏劉青所立罪賞已是嚴重無
圖之輩因緣生吞詐請兵糧復行告捕欵乞詐誘及故令網運兵捕糧難
未殺因而告捕規賞者並以被誘人所得刑名決配支賞許人告捕糧網
到岸應管勾河岸鋪兵公人岸子之類知情容縱兵捕糧網運米殺乞
受錢物計贓並依河倉法決配支賞引領牙人并知情停歲負載者同罪
詔改賞錢十貫字作一貫五十貫字作五貫三百貫字作一百貫餘依奏
十一月十三日詔東南六路糧綱回運空船沿流官司依重綱逐界催趕
出界批書出入界日時沿汴委都大官餘委逐路漕臣按察其所部催綱
官勒陞申發運司覆實比較以聞十七日詔發運司累歲與後轉般今方
就緒盧宗原見措置糧到米并淮南倉見在均羅及經剩餘錢糧到米各
已累降指揮並充轉般代發歲斛如諸司輒敢陳乞借撥別充他用或別
項起登并截借措置到綱船沮壞轉般良法抑發運司器具以聞當議重
行嚴竄人吏決配雖身奉特旨仰執奏不行十九日南赦書諸路起綱
運在路風水積壞見今監繫物令陪納情寔可矜仰交納官仔細驗認如
封託圖全別無換易情弊即與先次交納其合估剩官錢行下本處依條

施行十二月十六日京東路轉運使言乞今後諸州軍府遇上供綱運起
發盡絕日於本處許出差官內選差官一員沿路報究催赴諸路依此
三十一日都省言諸路封樁斛斛開舟船般發今來追防緊急合廣儲備
熟島已奉御筆手詔結絕應奉司江淮諸局所進花石綱並罷舟船令轉
運司拘收詔逐路漕臣悉心體國疾速拘收舟船分撥赴已格糧斛州縣
盡數裝發催併到來應副急關支遣仍追差或召募得力使臣多方差綱
梢人共牽拽沿路經過合批收口券錢糧限即時應副內有裝載官物若
石並卸隨所至州軍御納官物仍仰如法安置不得損失如糧綱到京沿
路別無留滯候卸納訖令司農寺具管押人保明申尚書省取旨優加推
恩如稍涉稽滯及本路監司州縣不切用心應副並當重寘典刑八年三
月十二日臣僚言東南諸路斛斛自江湖起綱至于淮甸以及真揚楚泗
建置轉般倉之所聚蓄糧儲復自楚泗置汴綱般運上京崇寧三年因臣
僚建言直達京師致多拖欠通來召募土人管押數獎百端伏望先將土
人選使臣并抵贊委發運司計置依舊興修轉般倉候成降賜本錢令轉
運司計置斛斛然後置直達之法詔任諒相度聞奏閏九月十一日尚書
省言直達之法事法詳條有補無損今安有改更徒為勞費前降指揮更

高宗建炎元年五月十

不施行日路允迪奏都城自來惟仰諸綱運轉給今來車駕臨駐傍京
汴河綱運理宜先次措置欲乞下戶部及發運司計度合用數外速令催
發前去京城下仰應副急關支用廣濟河蔡河綱運亦乞下逐去軍運撥
發司速行催發前去從之六月二十七日戶部尚書黃潛厚言已得指揮
諸路起發上供錢物並赴東京送納契勘南京左藏庫見在錢物不多乞
應東南上路綱運令行在戶部相度隨宜分撥赴東京或南京下仰從之
先是汴河以河口決隄綱運不通詔差提舉京城所陳良弼同都水使者
陳巖陳水道修治決口至是綱運漸至故有是詔八月一日京東路轉運
副使李祐言諸路應副朝廷大計發運司最為浩濶近年歲額未嘗數足
並緣管押使臣多是干請差委不曾選擇能幹之人又汴河居民盜買官
米官司並不覺察致每運少欠不下數千碩者至沉溺舟船欲下發運司
選擇有行止無過犯能管押使臣如每數遇無少欠或欠數多及沿流官
司能覺察盜賣及不覺察去處重行賞罰以為勸沮及令本司官不住
往來催促詔除少欠數多及無欠一節別作施行外餘並從之九月十二
日同知樞密院事張栻言東南六路歲運糧斛六百萬碩去年與今年未
幾數目甚多今乞責成東京及南京排岸司各置簿抄上見下仰報綱并

卷一百一十五

諸色綱運船元來路分州軍府下卸官物日綱回運就差是何官員乘載使用至甚處下卸各不得出本路界抄上綱官綱稍解手兵士姓名人數如運綱稍各量情犯斷勒之從二年正月十日詔糧綱卸訖空船雖許差來若往別路及過所差州軍元差官司并來船官各徒二年真州排岸及瓜洲堰關官不切檢察者各杖一百其以前已差往別路糧斛船令轉運司委官催回本路如來船官占情依未出本路非理遷延占留人船致妨本處裝運錢糧計日坐罪指揮施行十八日發運司梁楊祖言准尚書省劄子提倉部員外郎曹慥狀近降聖旨差措置催綱運契勘發運司見行糧綱船例皆四五百料以來於法許載二分私物係訪得糧綱往往沿路留滯蓋緣押綱自買船隻僅及千料以上謂之隨綱產船併行船運增添隻數名裝官物十分攬載私貨至如入汴多致阻淺其全綱船隻不免一例往岸今措置欲自今後綱運隨綱船不得遇見押官船料例止許置兩隻如敢依前置買大料船隻隨綱及置買過數許所在官司覺察沒納入官從之五月十九日詔在京歲用斛斛浩瀚從來指擬東南漕運除發運司合應國南京杭州斛斛共四十四萬碩并淮浙合赴京歲下卸年額斛斛共九千萬五千碩逐司自當別行應副外將發運司未起今歲合發額

斛二百五十八萬九千八百餘碩淮浙今歲未起額斛淮南一百四萬七千餘碩兩浙六十八萬七千餘碩並仰多方措置限十月終已前酒管盡數般運至京其逐路建炎元年已前舊欠各仰前期計置椿辦自來年為始分限三年發不得更有拖欠其措置不擾及押人如期到京不礙分數並轉運司取旨便加酬賞若催發稽慢不及今來所起之數并押網人違延違滯令逐處按劾官當寬選人吏遠配如闕少綱船仰依已降手詔優支雇直和雇其牽挽人夫亦得添支雇錢雇募仍約束押網人常切存恤其江湖未起之數浩灝專委司農卿史徽催併收椿便逐路斛斛裝發離岸專委發運呂源催趕至淮南自淮南專委梁楊祖催趕至泗州自泗州專委李祉催趕至東京仰所委官各給押網人行程若有住滯所委官隨分定地分行遣仍仰東京戶部官躬親常切照檢覈奏毋令少有稽違住滯網運所至官司莫敢誰何欲望嚴立法禁許押網人結隨處官司地分陳訴承報限時拘收補工送所屬依法推治內兵柄解押赴本州陳送住管州軍勒重役永不得再差充生船梢工承報官司不即公行或有觀望故縱與犯人一等科罪詔可行在仍令御史臺覺察聞奏二十三日戶部言江南東路轉運司言本路網運舊行直達日每網用剝下二分稅物亦

勝裝載糧斛依雇客船例支錢復行將股本路額斛依專法祇至淮南下
卸向緣靖康元年九月二十二日朝旨不許裝載二分私物以此綱運繼
計不行押綱人皆不願管押今欲且令本路綱運依舊例用二分私物力
勝攬載年額斛斛依雇客船例支給雇錢更不覘搭客貨如押綱人輒
更搭攬私貨即乞朝廷重立法禁本部勘當欲依本司所乞非情願投狀
承攬者不許押勒如已攬載額斛力勝外更載私物因致稽滯者於本罪
各加一等從之八月發運副使呂源言綱運舊條以二分力勝許載私貨
今官拘力升而所支二分加科雇夫錢米太微必致侵盜乞加料每十石
破一夫錢米從之九月五日專一措置財用黃潛厚奏乞諸路錢綱並赴
行在左藏庫送納從之十二月二十四日江南西路轉運司言本路歲額
上供糧斛舊押綱使臣多為發運司拘截真撈排岸司所遣者多浮浪不
根及有因應募効用補受副斛之人既無家業可以倚仗熟不諳熟綱運
次第欲乞應有副尉乞押本路糧綱並先令供其家業及召命官或有物
力人保委審量心力可以委付即乞發遣前來從之三年四月十日詔東
路軍民欠闕糧食已極發上京糧斛令尚書省差發運使一員同本路漕
臣專一往來催發起發預管於七月一日以前起發盡絕所雇在赴尉及

應干捕盜官部領弓兵往來防護各至界首交割不管稍有疎虞如有弛慢不職去處令發運使按劾以聞當議重行停降十二日司農寺丞蘇良治言淮浙路并發運司粮綱到京依條少欠一分五厘批發及江浙兩路轉級赴淮南用一分今來車駕駐蹕杭州節次即未有立定分數欲乞將江東路粮綱依舊用一分法而浙路地里不遠權用五厘法施行詔已降指揮移蹕江寧府重別措置申尚書省司農寺指置兩浙并江西路綱運少欠乞用一分法外若地里及三百里已下乞用三厘法四百里以下乞用四厘法五百里以下乞用五厘法八百里以下乞用七厘法一千里以下乞用八厘法餘並乞用一分法若有礙分綱運依京倉施行從之五月十六日發運副使葉宗邵言押綱人乞依舊條酬費外更與減三年磨勘近降赦書除軍功酬費外其餘權住行違一年今來押綱人員所得酬獎乞依軍功例施行從之建炎四年七月三十日戶部言準部省批下發運副使宋煒劄子契勘本司舊行轉般支撥綱運裝糧上京自真州至京每綱船十隻且以五百斛船為率依條八分裝發留二分攬載私物如願將二分力升加料裝粮聽八分正裝計四百碩每四十碩破一夫錢米二分如料計一百碩舊法每二十碩破一夫建炎二年內裝發東京粮緊切

畫降聖旨加料每十碩破一夫後來前本司官業宗諤去內得指揮撥
還東京糧料沿汴少欠就顧牽駕舟船申畫指揮加料依和雇客船則例
支給雇錢入汴添支三分水脚錢及舊法支給雇席刺水鋪襯等錢并管
押人依條除本身請給外重船又別給驛券每運至東京却納無欠折
轉官資綱梢並支撞岸及賞錢所請脚刺等大段濫濶今來依奉聖旨雇
船起發浙西勸誘等米其押網除本等資序請給外止添食錢三五百文
別無立定了納賞罰兼本司見打疊舟船團給官網發行在物斛浙西州
軍至越州地里不遠若不權宜立定賞罰無勸懲今相度除雇船自有立
定地里水脚錢外有官網欲乞依本司昨來起發上京綱運例除添支三
分水脚不及外餘依舊例支破所有客網人賞罰令以地里遠近所裝米
數泰酌立定下項賞每運押米五千碩以上地理至卸納處無違程折會
價納外少欠依下項副尉比折收使八百里減磨勘二年半五百里減磨
勘二年三百里減磨勘一年罰每運押米五千碩少欠一分使臣銜替副
尉勒停仍根寬欵欠因依七厘展磨勘三年五厘展磨勘二年三厘展磨
勘一年後批送戶部勘當中書省本部今欲依本官所乞施行內賞係別
無少欠倉部供到狀近勘當發運副使宗輝劄子起發浙西諸州米斛至

越州乞依舊八分裝每四十碩破一夫錢米二分加一料每二碩破一夫
并以地里遠近賞罰合支廢席刺水鋪視等錢已勘當依本官所乞內押
人依條除本身請給外重船又別給驛券緣今來止是一時裝發斛斛比
之上京綱運事體不同若更破驛券委是太優欲乞重船日支食錢四百
文省詔依十二月十日度支員外郎韓球言欲前去饒信等州剋剋錢糧
乞將沿流州軍並起發見錢其不通水路去處依指揮變轉輕賞從之詔
興元年二月十六日詔令韓球照會前降事理體度行在驍兵數多將見
剋剋不以麤細色綱運遵依建炎四年十月一日已降陸運指揮疾速施
行不得少涉撓援內合應副張俊下軍錢糧仰於今來所般數內重度撥
留應副其後內降應干合於饒信州橋緣錢物糧斛等事理更不施行元
年三月十二日戶部言越州通判趙公靖言兩浙路見有起發未斛萬數
不少內有經由海道前來綱運除官綱平河行運合依宋輝措置外海道
般運糧料係為登險理當優異本部今比附重別措置每運至卸綱網處
無拖欠違限折會價納外依下項內賞比平河已是優異其罰格亦比附
申請措置逸減一等賞格一萬碩已下所裝雖多者同一千里無拖欠將
一官不滿一厘減四年磨勘副尉依使臣法比折收使下准此不滿二厘

減三年五百里無拖欠減四年不滿一厘減三年不滿二厘減二年五千
碩所裝不及五千碩若併押兩運如及所立之數亦乞通行推賞一千
無拖欠減四年不滿一厘減三年不滿二厘減二年五百里無拖欠減三
年不滿一厘減二年不滿二厘減一年半罰格欠三厘展一年磨勘副尉
亦合比展欠四厘展一年半欠五厘展二年半欠七厘展三年半欠一分
展四年欠三分拖欠空船一十五隻同使臣校尉衙督副尉勒停仍根究
致欠因依從之二十七日戶部言上供錢物糧斛依法雖請降特旨截留
借支撥執奏不行及承指揮統制軍馬等官以便宜行事拘截上供錢
物料斛官吏並流三千里主司聽之減三等所有今後起赴行在送納綱
運輒敢拘截卻納亦乞朝廷嚴賜施行詔諸路應赴行在錢物斛斛官司
輒截留借支撥並依上供條法指揮六月二十四日戶部言諸路歲起
糧斛舊制江湖轉搬而浙直達上京比緣軍興淮南轉搬倉穀燒燬殆盡
其江湖糧綱自合權宜直達赴行在詔依九月十八日明堂大禮教勘會
糧綱舊六路直達法卻納少欠一分五厘已下本路備償折會過一分五
厘即行根究比來行在下卸糧綱因有司申請減下欠數和雇客船填納
不及五厘官綱一分已下方許批發歸回補發緣此留滯綱船港延刑禁

有三月四日
此三字疑是
六字或正字

無補公私自余依舊直達法施行十月十九日三省言保義郎黃鼎等狀
準建炎四年聖旨指揮置收糴糧斛每一萬碩為綱選差有才幹使臣兩
員管押舟船綱運經肉海道載至福州交納如無疎虞依六月九日已降
指揮各與轉一官仍與家便差遣具等於建炎四年十月內蒙差就潮州
裝發三綱每綱各一萬碩經涉大海於今年正月內到福州交卸了是竊
見成忠郎潘和等亦於潮州裝發綱運前來温州交卸各有拋失亦已依
前項聖旨各與轉官乞行推賞詔各與轉一官二年三月十日詔應綱
運不以人糧馬料不得在外一面支遣並赴合屬倉分送納如違並杖狀
一百科罪每名賞錢五十貫文以充事人家財充仍先以官錢代支三月
四日戶部言應上供錢物綱運欲令州縣遇裝訖即時計所裝船隻錢物
數目押人姓名離岸日時先次飛申戶部仍開報前路州縣綱運官司繼
續催趕出界依此飛申出入界日時入急遞報戶部下所屬庫分拘催從
之四月二日詔與府言閩廣溫台二年以來海運糧斛錢物前未結與府
並係至餘姚縣出卸騰剩般運而本縣常患無船不能同時交卸往往由
滯海船今既移譯臨安緣自定海至臨安海道中間砂碛不通南船是致
沿海之民歲有科調之擾要勘明州目未有般剩客旅貨物朔船甚多欲

乞專委官一員措置將閩廣溫台等處發到錢物斛斗並就本州出卸優
立價直雇募湖船騰利就元押人由海道直赴臨安江下既得少舒紹興
諸縣民力又免海船留滯之患糧斛不致失期從之十二月十九日呂頤
浩奏近遣即官孫逸督江西上供未比聞已起三綱可準擬三十萬斛上
曰以江西漕臣不以時起必待朝廷遣即官催捉然後起發如此則漕臣
失職可照責朕常面訓都轉運使張公濟等先理會常賦若常賦不入乃
反務橫做非朕愛民恤下之意三年四月二日詔今後起綱如本州差過
三員皆未還任接續有合發綱運即先從倚郭縣差縣丞或主簿一員管
押以後先近遠於諸縣輪差如被差輒敢規避並從徒二年科罪管押官
候到行在別無疎虞依已降指揮推恩十二月二日戶部言兩浙運司孫
逸劉子諸州縣起發綱運赴行在卸納別無拖欠其管押人乞特行蠲減
今立定下項其錢於和釋場百陌錢內支破如無見在移文本路運司於
移用錢內限當日支給三百里以上三千碩已上欲支一十五貫文省五
千碩已上欲支二十貫文省五百里以上三千碩已上欲支二十貫文省
五千碩已上欲支三十貫文省詔依今後如遇綱運卸納了當別無緣故
排岸司非理阻節官吏並從杖一百科罪三十日戶部言已降指揮

西浙諸州起發糧料馬料綱運赴行在却納別無拖欠其管押人特行摘
設三百里已上三千碩已上支一十五貫五千碩已上支二十貫等雖不
及三百里已上亦合比類輸摘設今相度欲將諸州縣起到綱運如地里
不及三百里三千碩已上支錢一十貫大省五千碩已上支錢一十五貫
文省特行摘設從之四年四月二十八日內駁運呈大字率臣朱勝
非等曰近來諸路船發綱運大段費力雖州縣優支庫直人戶少應募者
蓋因軍興以後船戶例遭驅虜民間莫敢置船致令兩浙江東西路各造
船二百隻專充運糧使用上曰須於船上分明雕刻字號諸處不得指占
雖奉聖旨聽抗奏不行七月二十六日戶部侍郎梁汝嘉等言勘會提轄
綱運官依法許將帶狀印隨行自本路至國門以來催促衆綱有耽聽勘
決若綱梢偷竄官司故縱的難阻節許報所至監司追究候催促了日起
高書省呈納足狀續承朝旨衆綱在路提轄官端閑不為催督檢奏致少
只數多今每半年具催促照檢過事因并住渾官司申部看詳施行仍候
大略提轄官到關呈納足狀從本部取索案牘照檢歲終具逐官續狀優
劣申取朝廷賞罰施行本部契勘江朔提轄官昨改隸發運司提轄催
促緣後來發運司官屬已罷惟兩浙路見在提轄綱運二員自移蹕後來

其提轄官全無職事又無治所廨宇亦無申到催發糧綱文狀今未起到
糧綱多有緣批損濕少欠事屬不便急即日駐蹕兩浙地理比近即與昔
日事體不同乞委自兩浙轉運司各出印曆付提轄綱運官二員於本路
某糧州軍不住至各往來檢察催督仍於州縣批書所至日分依監司例
無改不得住過三日候先從本司照檢以憑本部不時放厯點檢如有糧
綱情弊具提轄官事因中乞朝廷特賜施行所有逐官合破棄生舟船仍
令本司早依格應副所責有以責辦從之二十七日詔使臣校尉押發糧
斛等到行在交納無違程拋失少錢或少欠不礙不分厘若納足不願支
給鵠設錢依立定平江府湖州二萬五千碩秀州三萬碩減磨勘一年九
月二十九日戶部言湖州平江府管押糧綱使臣校尉尉押發官綱本
斛到行在無違程拋失少欠或少欠不礙分厘次運補足之人量與減年
磨勘事批送部勘當申而書省本部勘會近承朝旨浙西管押糧綱使臣
每運裝發一千碩無拋失少欠并有欠不礙分厘次運補足別無違程若
不願支給鵠設錢平江府湖州與陞三季名次今來兩浙轉運司申明校
尉尉押綱亦合依使臣體例推賞本部今勘當欲將使臣校尉尉押發糧
斛到行在交納無違程拋失少欠或少欠不礙分厘若納足不願支給鵠

設錢依立定平江府湖州二萬五千碩秀州三萬碩已上二項減磨勘一
年平江府湖州二萬碩秀州二萬五千碩已上二項免短使陞二等名次
如願按減磨勘九箇月聽平江府湖州一萬五千碩秀州二萬碩已上二
項陞一年名次願按減磨勘半年聽平江府湖州一萬碩秀州一萬五千
碩已上二項免短使陞半年名次從之五年三月十五日兩浙運到吳革
言給事中陳與義奏州郡官民交病者雇船以轉輸是也乞令諸郡破官
錢買民閒堪乘載二百料以上船仍嚴立約束州郡不得他用轉運司不
得拘占有旨令江浙轉運司措置本司契勘本路除溫台處州不通水路
及臨安鎮江府不係接目般運去處外其餘州府每歲起發供上米料錢
帛馬料依條陳與義申請令通州和買堪好客船以三十隻為一綱內秀
常湖州江陰軍平江府係平河行運衙門嚴州係自溪入江明州紹興府
運河車堰渡江各買三百料船專一往來般運本州合發行在錢斛官司
不許拘截及充他用雖奉特旨許本司及諸州批奏不違如違以違制科
罪所有合用價錢乞特許借支不以諸司案名錢應副責令通州收糴合
充雇船水腳錢分限一年撥還取足一合差補工俸手牽駕民安欲乞令
通州府擬每綱合破人數依條於廟軍內選差有家累及暗會船水之人

充役如實無可選差即行招刺其合用倒物并錢乞依買船例不以諸司
案名借支分限撥還一官押使臣兵柄等合支請受衣場口券錢米州縣
往往不依時支給是致侵盜官物今欲依令逐州據見今般運官綱照驗
本司所給隨綱拘管牌文看子細檢察的實人數遵依立違條法限當日
內物給於係者及移用錢內通融應同一所差押綱使臣今相度欲從本
司於大小使臣校尉內階逐實有心力曾經任無過犯不係失失之人
選差管押不許諸處抽差一起發物糾赴行在合比較功過實罰除浙西
已有紹興四年七月二十七日賞格外浙東並經過大溪及錢塘江即與
浙西平河行運不同今相度欲乞將浙東逐州所起糧米赴行在如無違
程拋失少欠不礙分厘若約足不願支給橋設錢內衛婺州及一萬頃船
與府嚴州一萬五千頃依前項已降指揮減磨易一年錢帛比類推賞一
所買客船所委官不切照親有獎信憑合千人與船戶通同作要或受請
求將年終不堪舊損船中費及虛增料例大估價錢其間定係堪好舟船
妄有阻難百端情弊乞覓錢物及因緣橫擾如有違犯許諸色人告捉供
申朝廷乞重施行新違仍每名特給賞錢一百貫以犯人家財給告捉人
充賞詔依內第二項如敢大破虛橋人教冒請錢糧取旨重作施行四月

七日詔押綱人違法并差撥資次理任並依舊直連綱運法內見任官如
係伙臣於本任別無規避方得正行差押並經本路轉運司投狀如應得
違法即一面差託申尚書省出給付身不圓及不經吏部審量人不在差
撥之限十一月二十五日權勳部侍郎張忠達等言諸州縣起發行在解
州綱運和雇舟船裝載依所降指揮將合支雇船水腳錢以十分為率先
支七分付船戶掌管若有欠折並令船戶管認餘三分椿留在元集州縣
準備環填訖不礙分厘批發前去少欠之數其押綱官更不認教戶部
契勘而浙州縣起發料斗至行在地里止及數百里其船戶為見有未支
三分水腳錢可以羅欠及為州縣自來例不曾支還上件腳錢無可指準
遂於沿路恣意偷盜官物意在先指取合折三分錢數因而侵用過多無
可償納所有管押人亦不鈴束容縱船戶公然作弊雖有少欠令所屬監
綱若不得分厘批發前去元集去處補填其州縣近來往往將船戶三分
水腳錢元不依數椿管或已別作支使致船戶詞訟不絕其欠數連月
日不能補發了足緣大數計之失陷不少若不別作擘畫深恐暗失前計
今相度欲下兩浙轉運司行下所屬州縣今後和雇客船起發行在解州
馬料綱運令元集去處將合支雇船水腳錢盡數支付船戶并管押人同

共支領仍指置鎮伙多方關防起發前來若赴行在交納外有欠令押人并船戶同共認欠除依條破耗外以十分為率令押綱官認二分其船戶管認八分只於行在填納顆粒不得欠折如將上件錢填納不足委自司農寺監勒押綱并係于船戶以隨行動使并出賣填納不足即移文轉運司差人除程限十日勒令元牙保人均取產業出賣前來須管補糧數足庶几不致納運拖欠官物其所屬官司不即支還腳錢即許押人并船戶稍工姓者却越訴從之十二月五日礼部尚書李先言伏覲陞下駐蹕東南江浙寔為根本之地自兵興以來科湏百出民力既殫理宜優恤今州縣綱運漕司既不任責轉輸之職起辦州縣乞檢會舊例應州縣上供及軍糧錢帛等並令漕司計置綱運專差使臣團綱起發其水脚廉費并錢乞依條將直達者頭子錢格充漕司不得互用詔諸處轉運司措置依此施行六年三月五日中午書門下有奏川陝屯駐大軍屏蔽四川歲用糧食數目浩瀚州縣官吏所宜協力津運共濟國事軍前米糧大段闕乏雖水運艱發每患由滯詔令趙爾躬親前去軍前極力措置水運如委是撥發遲緩不能接濟軍前見今急關即隨宜從長措置施行務要按月報解足辦如少有稽滯重作施行